

EDICTA SEV

DECRETA VETERVM

Imperatorum ac Iurisconsul.



in Tit. de Pactis. ff. & C.

nunc primùm in

artem dige-

sta

PETRO CORVESIO AVTORE,

*Ad illustrem Franciæ Vicecancellarium**Dn. Ioannem Bertrandum.**Ex Legato**U. Cocini*

LVGDVNI,

Apud Ioan. Tornæsium, & Gul. Gazeium.

M. D. LII.

2
CAPITA EORVM QVAE

hoc titulo de pactis continen-
tur, sunt.

Quid sit pactum.

Qualiter inter absentes, & qualiter inter præsentes componantur.

In quod subiectum concipiantur pactorum præstationes.

In quibus factis seu negotijs constituentur.

Quo iure sint introducta, & in quot species.

Quæ pacta valida & quæ inualida sint, seu super quibus pacisci vel non pacisci liceat.

Num singuli ut pro seipsis, sic & ad commoda vel incommoda aliorum valzant indifferenter pacisci.

Postremo quæ pacta actiones, & quæ exceptiones ipsis paciscentibus pariant.

W. L.

ILLVSTRI AC SINGVLARIS PRVDENTIAE

viro, Dn. Ioanni Bertrando, Gal-

liarum Vicecancellario

dignissimo, Petrus

Coruesius

S. D.



TSUNT conatus & operationes hominum gradibus aliquot dissimiles in vniuersum, Iuris praefecte praestantissime, sic, ut in omni opere, non omnibus ad vnum terminum conueniat, sed in singulis, alij alijs nobiliores & ignobiliores sint, munus nostrum perfectius & imperfectius obeamus quilibet. Ita & quò discernantur valida ab inualidis, Reipublicae vniuersae vtilia ab inutilibus, non mediocri egere iudicio, à summa eruditionis viris existimatum est: prout

A 2

nec

nec contemnendam aut leuem requirere
hac animaduersionem, ex ipso negotio &
facti executione indicant sese. Quò fit, ut
cùm circa has, & similes contemplationes
assiduo studio intendant, ac implicent se,
doctorum hominum ingenia, propter fœ-
cundam frugem, & non pœnitendos pro-
uentus, qui inde ad commune omnium &
singulorum emolumentũ producturi sunt:
non perperam me facturum putavi, si &
mei muneris in hac parte, consideratione
habita, & vestræ & dignitatis & autori-
tatis ratione pensata, sic me me vobis con-
templandum exhiberem, in hoc opere quod
præsento, ut pro summa vestra sapientia iu-
dicando, postulantis ipse partes sustinerem.
Speculatus siquidem aliquandiu, ingenuas
& celebres animi vestri dotes. scientiam ac
cognitionem rerum variam, insignem &
eminentem in Iuris prudētia versationem;
res tam præclarè gestas, legationes multi-
plici,

plici, Regnante etiamdum Francisco splendidiſſimo Gallorum Rege, ac apud exteros, & domi (ne ſingula particulatim cūm omnibus ſint nota, in longum catalogum re- cenſeam) in adminiſtratione Magiſtra- tiū diuerſa, & quòd tandem ultra pri- uata huius ampliſſimi regni conſilia, & maximi momenti deliberationes, de etiam prudentia & ſapientia, ad maximum om- nium in hac celebri regione munerum (quatenus ad ciuilem curam ſpectat) de- duxerit, in quo de rebus omnibus ad vni- uerſam hanc Rempublicam pertinentibus, velut Apollo aliquis conſularis, dans ope- ram inſuper ne quid contra ius & legum decreta ab aliquo aut attentetur aut fiat: tanquam cui ſumma iuſti & iniuſti, equi & iniqui cōmiſſa & credita ſit. cura certè & animaduerſio, tantis virtutibus conue- niens & non indigna. Quæ quidem vt non poſſunt niſi ſpecimen præſtantioris cuiuſ-

dam animi, & magnanimi ingenij ac rari præ se ferre, sic & percepta, publicanda sese exhibent magis, quàm ut silentio & velut inanimaduversa prætereantur tacitè: quò vel hoc nomine & superstitibus & posteritati in exemplum, & ad imitationem valeant, sint proposita. Ad hæc igitur, cum pro præscripto usu, ac diuturna à patribus nostris, & in consuetudinem ducta observatione, sit receptum, in publicandis his quæ singuli ad frugem eruditionis aliquam ad suos cuiusque professionis studiosos emittimus, receptum inquam & observatum, ut velut in Mecenates ac patronos, suis titulis quisque deligat, & adiungat aliquos, quò sic res procedat pro communi more venustius, & suo quasi protectore munita, prodeat paulò tutius in publicum, tam celebribus & eximijs vestri nominis titulis aductus, non potui non eò usque progredi, ut laborum nostrorum industrias, quales quales

les sint, eidem consecrarem. Cùm verò hoc tempore, propter tam innumera aliorum post alios in iuris sciētia volumina, & tam crebras repetitiones eorum quæ ab alijs iam sapius & plus satis inculcata sunt; qualibet nova editio satietatem & fastidium verius præ se ferre videatur, quàm ex commodo vel fruge voluptatem, & sui desiderium augere. Sintq; & tali inquisitioni pacta hæc, quæ ultro ipse offero exposita, breui velut præfatione, causam meam ab huiusce obiectionibus sic tueor. Quòd longo studio & meditatione assidua versatus, circa percipiendi & tractandi res modos & formas varias, ubi comperi præstantiorem viam & methodum tutiorem esse, sic disponere leges singulas ad materiam, ut hæc ipsa secundum rectum suum ordinem, ad omnem occasionem & necessitatem pateret, futurumq; sic, ut facilius & intelligibilius multò ad suas rationes cuiuslibet rei

seu tituli, scientia quæuis redderetur, ac minori animi negotio & molestia percipi posse, tale institutum demum, post multiplex & varium experimentum secutus, communicare tandem sic disposita in publicum, concilium fuit, periculum facturum, num ita ceteris, sicut & mihi pro veritate, & ex re ipsa videretur. Tu igitur in non vulgari hoc discrimine singulis adinuicem collatis, pro eminentiori tuo munere, prudentia & potentia diiudica, num digna sint satis, ut sic emissa, retineantur, & hoc ordine procedatur ad reliqua, vel cancellanda potius & forma seu traditione alia variandum adhuc, quò tandem negotium omne bene cedat tuo ductu, ad fœlicem & fortunatum huius tui regiminis in hac parte statum. Bene vale Vir illustris: & quod bona fide ac puro animo tibi exhibemus, equi boniq; consule. Lugd. Cal. Ianu. Anno quinquagesimo secundo suprâ sexqui millesimum.

PROOEMIUM.



I ex fine muneris seu artificij cuiuslibet, metienda & æstimanda est vis ac effectus, artificis ipsius: vtpote qui, & quatenus ad eundem valeant vel non valeant, quid præstent vel non præstet singuli, quatenus accedat proposito suo in vnaquaq; scopo, hic aut ille, & quatenus distent alij vel longè absint ab eodem, exemplo patenti & manifesto à sagittarijs, in animum nostrum, & nostram notitiam induci potest: quando quidem signo ad iaculandum in communi proposito, ad omnium quotquot iaculantur commune vel exercitium vel periculum, non obscurum est nec ambiguum dis-

cernere, qui in signo & qui iuxta signum, & qui in proximo vel longo interuallo remotiores ac extra omnē peritiā, omnem frugem & extra omnem cognitionem artis in iaculandi peritiā sunt. Quòd si obmissis his & alijs, quæ ad simile exemplum trahi possent (cū alterius sint speculationis, & extra nostræ constitutionis fines) contemplandam solam in medium proponamus, ac æstimandam ex suo fine vel scopo quomodouis, nostram in scribendi munere professionem, studium & artificium, idq; siue scribere seu tractare vel dictare dicatur, aut aliter quomodouis pro arbitrio, commentari interpretare & cætera non retulerit, cū ad vnum & non longè dissimile significatum tendant prædicta, ferè singula: cui quidem num alius sit cōstitutus finis vel
scopus,

scopus,quàm ad docendum seu ad instructionem & doctrinã illorum quibus hæc ipsa peruenerint , non satis compertum habeo,prout experimentum patens est,& res ipsa de se loquitur. Lectio enim & studia assidua, ad ingenium & intellectum hominum studentium relata, nisi intelligentiam & cognitionem seu eruditionem & doctrinam rerum quæ leguntur vel audiuntur exhibeant, nemo non insipida ac vana & nullius momenti futura esse dixerit:hocq; tam euidens est & demonstrabile,vt negari à quoquã citra impudentiam & manifestam calumniam debeat. Docere ergo ipsum in vniuersum, vt est multiplex, secundum doctrinæ & scientiæ varia genera,& varias species,obtinet attamen particulare id & proprium, vt in singulis generibus, & in singulis instructionis

ctionis speciebus, habeat subiectum aliquod, vel substantiam seu materiam, circa quæ modus & forma docendi vel instructio versetur, aut alioqui fatendum esset, citra controuersiam, docere ipsum nihil aliud esse quàm proloqui, simpliciter & nudè absq; significato & succo aliquo, quasi tuba aut sonus indifferens, citra certam expressionem & vocalitatem aliquam. Quòd si prout res existit, & pro veritate facti, ad hoc tantum vel præcipuè in usu esse verba, colloquia & sermones non negemus, vt his vicissim & mutuò nostros affectus qui ex rebus aut qualitatibus sunt, vel circa res aut qualitates communicemus, necessarium erit fateri, vbi demonstratum etiam fuerit, res & eorum qualitates vel accidentia si mauis, seu subiectum & materiam, non sibi & per omnia

omnia similia esse, nec perpetua & vnica æqualitate continua, necesse inquam si integrè & vt conuenit, deducenda ad notitiam sunt, vt tot gradibus, & dissimilitudinibus etiam totidem variet oratio, quot & res & eorum accidentia variabunt, ita vt principio aliquo in subiecto de quo differendum est cōstituto, ab hoc demum ad media, & vsq; ad fines per omnia & vbique procedat ratiocinatio: vsq; dum verbis licet & omni colloquio finito, & sono orationis sublato, maneat attamen in mente, ipsius reside qua prælocutum est seu tractatum effigies, & visibilis in intellectu notitia: non autem econtra, vt concentu & sono simplici sermonis seu verborum retento, res ipsæ extra omnem recollectionem sequestrentur, euāescant: tali igitur erecto ad propositum certamen,

tamen , & ad noſtram iaculationem ſcopo , expendamus ac metiamur ex re conſpicua iam & apparenti , quæ nobis ad oculum diſcernenda & æſtimanda ſe exhibent in hoc militiæ vel ſtudiij genere , tam numeroſorum , & veteranorum & recentiorum ſeu modernorum militum diſcrimina , num videlicet inter cæteros præſtent illi , qui ſic ſuam promulgare ad alimoniam eruditionis doctrinã ſtudent , vt præter vocum infinitarum diſiunctam & diſſolutã congeriem , nihil aliud præſtent ſucci , quod percipi & retineri pro ſolida ac conſtanti animi ſpeculatione poſſit. An verò illi magis qui vt ſeſe æterniſent (res memoranda certè , & quæ ad magnum momentum exiſtimari debeat inter chriſtianæ rei-publicæ proceres , ob tam præclara beneficia communibus commodis col-
lata

lata) amplum hinc inde copiosum & prolixum deligunt peculium, ac velut suffarcinatum ex multis partibus, producunt ad sua encomia demum, ita tamen vt per solas & crebras repetitiones, quales sint sese ex suo sermone prodant ac declarent. vtpote cum omnibus ex alieno testimonio proprijs dictis fidem astruant, nihil verò certi ex suo, cùm ambigui sint per omnia ac sibi credi postulent, ex eo duntaxat quòd alij hic vel ille ita tenendum dixerint, quasi à fatali & indubitato oraculo deprompta, à quo non sine graui vniuersæ reipublicæ discrimine recedere liceat. nec expendentes seu significantes interim, quibus fundamentis, quibus rationibus, & quare vno potius quàm alio modo dispositum fuerit, sed sufficere magis ad suos effectus, quia tales vel tales ita dixerint, qual

qualitercunque cedat, notis vel ignotis principijs & causis producentibus tales successus, causam & occasionem dantes in obscuris sic & cōfufis, prout & notum est, vt ex iniustis iusta fiant & econtra. Omitto digressores cæteros ab vna materia ab vna parte vel articulo in alios, per sophisticā phrasim, ita vt nihil cōtinuum, nihil certum ex eorum traditionibus sumi valeat: prætereo hoc ordine pariter, & elegantiores illos, qui in politicæ ac ornatu & consonantia verborum, artem omnem suam, ac omne studium collocant, quando signum ad succosas continuas & integras rerum cognitiones per singula eorum elementa, propositum est, in quo qui interius aut circunquaque ad proxima non intendunt saltem, velut ad suam artem inutiles adhuc, nec satis strenui ad talia
expe

experimenta pro illorum vi & conditione non sufficiunt. Vt prædiximus à quo qui tam longe absunt, quin velut erronei extra directam sint semitam, obscurum nō est prævidere. cum verò constet per prædicta, esse vias alias, per quas iam dictæ metæ, proximius accedi possit (& si non citra omnem mendam vel imperfectionem perfectissimè, quando diuini id esset ingenij magis quàm humani) vitio verti non debet, nec in calumniam imputari, si quamplurimis hoc experimentis & conatu multiplici attentetur, ea spe vt si vno aut altero optatum integrum assequi non liceat, ad tertium, quartum & deinceps, res & negotium totū, paulò perfectius quàm sit, renouetur: vbi maximè in confesso est apud omnes viros & mulieres pariter, quòd eò prodierit quicquid

inici

B huius

huius facultatis est, ut restorationem
verius, quam augmentum & ultro-
neum progressum ad prolixiorē co-
piam desideret. prout ex tam multis,
quanta & quam certa sit peritia om-
nium, ac de vno quoque, quisque qui
hanc profitetur, de seipso certum iu-
diciū ferre potest, & veridicum ex-
perimentum, remōtis attamen affe-
ctibus sic, ut in partem alteram non
sit nimius. Tractari arte possit vel
non possit ius, hūc non prosequor, ne
ultra suas metas prologus decurrat
veritus, Quod si & ad pacta hæc, re-
stare alia opponant aliqui; quæ cum
sint, ut facta cætera infinita, tractatio-
ne hac non sunt comprehensa: ne pro-
ducam quæstionem etiam ad maiora,
mihi satisfactum in his putavi, foetifi-
catione hac prima & primo partu, si
quæ præcipua in his habemus, in eam
form

formam redigerentur quæ esset paulo quam antea cum certior tum faciliior : quod an præstiterim hætenus in titulum de testamentis & pactis, solo experimento & iudicio eorum qui de his studiosum periculum fecerint committo : futurum fortè, ubi qui artem hanc vel studium accusant, quæ restant ad prædicta infinita ut volunt, in infinitum etiam catalogum produxerint, ubi ad finitos terminos parita fuerint ac disposita, quod pari pariter vel non longè dissimili ordine tractentur & illa. Quæ sequentur ad hæc, aliquanto etiam faciliora speramus & policemur, ob diuisionem capitum, quæ non perperam his conuenire visa est. Præfari autem interim hæc libuit, ut mememe rationibus tuear, ad illas quas mihi suspicor obuenturas calumnias, tum ut hu-

ius professionis studiosos mei consi-
 lij commonefacerem & admo-
 nerem pro foeliciori successu;
 intendendum semper ad
 perfectiora. Verum
 prologi iam satis,
 accedamus ad
 pacta.

*

IN TITVLVM
DE PACTIS.

*
TRACTATVS AD
METHODVM.



OMINA si sic sunt imposita rebus, vt parte aliqua consonent cum eisdem, aut earum significatum aliquem exprimant, vt plurimum: quando verisimile est inuentores ipsos primos motos ad hæc, eiusmodi occasione vel anfa aliqua, aut alioqui à casu & fortuitò multa imposita esse, existimandum erit: non perperam fiet, neq; absurdum reputabitur, si tractaturi de pactis, exigamus ab hoc nomine in primis, quid ipsum in hoc tractatu innuat, seu quid sua voce, nobis coniecturandum indicet: &, si quidem similitudine vocis, ab ethimologia vocabuli ratiocinandum esset, vt pactum idem constitutur esse quod placitum, citra quoduis discrimen hallucinari fortè extra rem nostra hæc oratio posset. vbi maximè notum est quibusuis, isthæc

ipsa, non paruo interuallo ab inuicem seiuncta ac distincta esse, quando non omne quod placet, id statim pactū dici debeat. Quòd si & paciscendo placitum duorum plurimūue interuenire dicatur, prout ab aliquibus pactum ipsum definitum est; non tamen & si placeat duobus deambulare, currere, colloqui, differere, disputare de re aliqua, & si placeat duobus pluribusue, non tamen id pactum esse statim argumentandum erit, licet placitum id esse non negetur. Si verò omīssis cæteris ad breuitatem, quæ adduci in hanc sententiam possent, ex effectu solo seu usu huius nominis inquiramus, quæ sit eiusdem vis & ad quid significandum, introductum fuerit, & si quidem placitum iam esse constat, non tamen sic, vt omne placitum sit pactum, de quibus ipsum intelligatur, discernere iam operæ pretium fuerit: non aliunde quàm ex effectu vel facto ipso. videmus etenim (vbi patet factū aliquod esse inter homines, quod pactum appellatur) quoties conuenit hominibus duobus pluribusue, vt paciscantur, siue quando res & occasio postulat, vt ipsum componatur, nusquam fieri hoc, nisi tractatus aliquis subsit mutuus, in quo vel commoditas vel necessitas aliqua, ad paciscendum vel sic componendum seu informandum negotiū parte aliqua inducat: vnicus enim sibi

sibi ipsi nunquam paciscitur, neq; duo plures ue
 nisi occasionem nanciscantur ex tractatu vel ne-
 gotiatione aliqua. & tunc, cum vtriusq; volun-
 tas arbitrium & deliberatio accedit ad aliquid,
 quod in commune tangit, aliquo modo compo-
 nendum, informandum vel obseruandum ali-
 ter quam erat prius placito amborum seu com-
 muni voto, id pactum vel pacisci receptum esse
 dici. quod si conuertatur, idem planè erit. Deri-
 uare pactum à pace, quasi ex pactis seu conuen-
 tionibus pax sequatur, etymologicum pariter
 id est, nec pluribus in eo insisto. speculabitur in
 his quisque pro arbitrio, quando & in hanc for-
 mam alia etiam adiungi possent, per quæ tamen
 vtcunq; vis verbi exprimeretur, velut si quis si-
 militudine vocis ad composita verba impactus
 compactus & eiusmodi procederet, ad maiorem
 seu expressiorem huius significati vim: cum ta-
 men & Vlpiani sententia de his sit, vt pactum à
 pactione dicatur, vnde pacis nomen appellatum
 scribit: finiens pactum etiam, vt sit duorum plu-
 rium ue in idem placitum & consensus.^a verum
 de his æstimet pro suo arbitrio quisq;. Si verò &
 paciscentes conuenire dicamus, quasi ex diuer-
 sis animi motibus in vnum consentiant, id est in
 vnam sententiam decurrant: ceu qui ex diuer-
 sis locis in vnum colliguntur & veniunt, conue-

^a Vlpian. lib.
 4. ad edict. in
 l. j. ff. de pact.

nire dicuntur. Conuentionis hoc verbum ita generale erit, vt ad omnia pertineat, de quibus negotij contrahendiq; causa consentiunt, qui inter se agunt: adeò vt eleganter dicat Pædus, nullum esse cōtractum, nullam obligationem, quæ non habeat in se conuentionem, siue re siue verbis fiat: nam & stipulatio quæ verbis fit, nisi habeat consensum, nulla est. vnde & cōventionum pleræq; in aliud nomen transeunt: veluti in emptionem, in locationem, in pignus, in stipulationem, & similes. ^a Cum igitur pactum & conuentio consensu & voluntate, seu decreto quodam animi componantur ac fiant, sic volentibus & statuentibus communi voto qui paciscuntur, vt res vel negotium de quo agitur, talem statum, modum, seu formam accipiat, sic prout conuenit obseruetur, ac res cedat: nimirum & si ex compositione huius facti tota æstimāda ac metienda est iuris qualitas ad quælibet. Ad primum ergo, siquidem naturæ ordine necessarium est, vt qui tractare vel componere alioqui mutua sua negotia & suas operationes volunt, tali modo vt à lege pacti componantur, necessarium inquam est, vt ij aut præsentēs id faciant, aut medio alio, quod præsentia vicem suppleat in absentibus, cum maximè eorum vsus ad hoc introductus sit, vt pro necessitate varia, vel ad omnem

^a Idem ibidē,
§. ij. & iij.

omnem occasionem qui negotia tractant, interponere pro libito pactiones possint. Inter absentes ideo Labco ait, conuenire vel per epistolam, vel per nuncium quoque posse: inter præsentes verò re ipsa & nedum expresso, sed etiam tacito consensu conuenire seu pacisci inter aliquos, aliqua intelligi interdum: ideoq; & si debitori suo aliquis remiserit cautionem, vel instrumentum debiti reddiderit, videtur inter hos conuenisse, ne petatur debitum: profuturamq; ei conuentionis exceptionem placuit.^a Quandoquidem & opere seu facto ipso, consensum vel effectum ad pacta talia videantur præstare, licet verbo expressa non fuerint, Quemadmodum & in vrbis habitationibus locandis. iniecta illata pignori esse locatori placuit, etiam si nihil nominatim conuenerit, vel ex eo, quia etiam conuentiones tacitæ valeant. Secundum quæ & mutus etiam pacisci posset. huius rei argumentum præbet etiam stipulatio dotis causa facta. nam dos ante nuptias male petitur, quasi hoc expressum fuisset: quoniam nuptijs non secutis, pariter ipso iure euanesceat stipulatio. Idemq; & Iuliano placuit, ex facto etiam consulto, cum conuenisset, vt donec vsuræ soluerentur, fors non peteretur: & stipulatio purè concepta fuisset, conditionem inesse stipulationi Iulianus respondit: atq;

B s si hoc

^a Paul. libr. 9.
ad edict. in l.
Labco. ff. eo.

a Paul. libr. 3. si hoc expressum fuisset. ^a Similiter & si post
 ad edict. in l. venditionem hæreditatis ab aliquo factam, cre-
 item quia. ff. ditores contra emptores, actiones suas moucant,
 de pact. & Flo eosq; eas spontanea voluntate suscepisse probe-
 renti. libr. 8. in stitu. in l. qui tur: exceptione taciti pacti non inutiliter de-
 in futurum. ff. fendetur venditor: ^b & hæc quidē tunc obtinent,
 eod. seu locum habent maximè, quando pro natura
 b Seuerus & seu facti, duo sic sibi inuicem cohærent, vt alterum
 Anto. aa. Clau facti, duo sic sibi inuicem cohærent, vt alterum
 dio, in l. post trahat aliud, vel sequatur aut depēdeat à se præ-
 uenditionem, cedente. aut sic taciturnitas cohæret facto, vt ci-
 C. de pact. tra læsionem vel euidens damnum partis alte-
 rius, & citra fraudem cum consensu legitimo
 vtriusq; partis conuenit, pactum est: vtpote vo-
 lens sponte remittere alter alteri, aut gratiam &
 beneficium facere alioqui, tutum ac indemnem
 præstare aliquem & eiusmodi. Quoniam si econ-
 tra pignus creditor debitori redderet, non ani-
 mo liberandi, sed bonafide, spe recepturi debiti,
 si pecunia demum soluta non fuerit, quin debi-
 tum peti possit, dubium non est: nisi specialiter
 (vt dictum est) contrarium actum esse probe-
 tur. c Ita patet manifeste ex consensu solo, pacti
 c Modesti. li. 3. regul. in l. taciti qualitatem metiendam, ac æstimandam
 post pign^o. ff. esse: vnde & vbi is affuerit certus ac liber, & si
 de pact. esse: vnde & vbi is affuerit certus ac liber, & si
 d Paul. libr. 3. acceptilatio inutilis fiat, tacita attamen pactio-
 ad edict. in l. si ne actum videbitur ne petatur: ^d neque impedi-
 unus. §. fin. ff. mentum faciet alioqui acceptilationis inutili-
 eod. tas,

tas, vbi voluntas accepto ferendi certa ac valida extiterit. Verum cum & taciti & expressi inter absentes & presentes, ac alterius cuiusvis qualitatatis constituendus vnus sit finis vel effectus, propter quem præcipuè in vfu sunt, & efficientes aliquos qui ceu instrumenta, negotium ad suam executionem deducat, talè autem vsum & effectum, ex subiecto aliquo prouenire sit conueniens, seu in aliquem concipi, à quo demum conuentionis præstatio exigatur, sic vt per pactum aliud constituatur conuienti obseruator interdu, aliquando verò vterq; : obseruator quidem facti vel operis præstandi paulò post, pro modo pacti initi, aut ad præstationem rei de qua communi placito conuenit, vel quod certa persona etiam, certi aliquid suo expromissori exhibeat, vbi præscriptum tempus vel conditio extiterit: ita effectum est propterea, vt pactorum, quædam in personam, & quædam in rem sint, aliqua quæ ex altera parte in personam, ex altera verò in rem sint concepta. In personam igitur pacta sunt, quoties pactum sit, ne à persona petatur: vtpote ne à Lucio, Titio, Mario, Ioanne, Petro & similibus aliquid exigantur: ne iidem seu illorum aliquis agat furti, iniuriarum, de damno infecto, ac innumeris eiusmodi. Vtrum autem in personam an in rem pactum sit factum, non minus

a Vlpia. lib. 4.
ad edict. in l.
iurifgentium.
b. pactorū au-
tem. ff. co.
b Paul. lib. 3.
ad edict. in l.
idē induobus.
ff. de pact.

c Papin. lib. 5.
respon. in l. ta-
le pactum ibi.
d Vlpia. lib.
4. ad edict. in
iurifgentium.
e. pactorum.
ff. cod.
e Caius lib. 4.
ad legē 12. ta-
bu. l. in tradi-
tionibus. ibi.

minus ex verbis, quàm ex mente conuenien-
tium æstimare oportet: plerunq; enim (vt Pæ-
dius ait) persona pacto inferitur, non vt perso-
nale pactum fiat, sed vt demonstretur cum quo
pactum est factum^a & personalia quidem pa-
cta ad alium non pertinere, quemadmodum nec
ad hæredem etiam Labèo ait,^b cum concepta in
vnum illius personam non transgrediantur, sed
finiant, ac absoluantur in eodem, paulò aliter
quàm realia, quæ in rem concepta, rei possessio-
rem (licet is mutabilis sit) non deserunt. Tale
verò pactum, profiteor te non teneri, cum gene-
rale sit, & quasi indefinitum, non in personam
dirigitur, locum attamen ex sua generalitate in-
ter hæredes quoq; litigantes habebit.^c In rem
pacta sunt, quoties generaliter paciscitur, ne pe-
tatur res aliqua.^d quòd si & hæc fiant in tradi-
tionibus rerum ipsarum, quodcunq; pactū fiet,
id validum erit.^e quasi habeat traditio accedens
pacto, liberalis ac certi consensus aliquid, vt va-
liditate maiore ad integrum suum robur non
egeat: prout de acceptilatione inualida, in præ-
cedentibus diximus. Quatenus verò habet rem,
plures possessores interdum, seu plures vni rei
addictos, per cōmunionem variam, vel per com-
mune debitum etiam pacta in rem omnibus
proderunt, quorum obligationem dissolutam
esse,

esse, eius qui paciscebatur interfuit. Ideoq; & debitoris conuentio fideiussoribus proficiet. ^a Nisi hoc actum esset, vt duntaxat ab altero non petatur, vtpote à reo, à fideiussore verò petatur: hoc enim casu, fideiussor exceptione nō vtetur. ^b Ex altera parte in rem, ex altera in personam si pactum conceptum fuerit, veluti ne ego petam, vel ne à te petatur, tunc hæres meus ab omnibus vobis petitionem habebit, & ab hærede tuo omnes petere poterimus. ^c & quemadmodum concipere vel dirigere pactionem ipsam in aliquem, qui præstet mox, quod conuenit, necesse est, vt det, transferat, faciat vel non faciat & eiusmodi. Ita & tractatum seu negotij speciem oportuit vt haberent aliquam, in qua vel eorum occasione componerentur ac fierent, vbi maximè pacta per seipsa certā alicuius præcipui facti speciem non constituunt, sed accedunt magis & adiunguntur alijs, velut in præsidium, quod ad certos terminos & ad determinatas formas cōueniant qui negotiantur, propter quod dictum est, conuentiones illas validiores quæ actiones pariunt, in suo nomine non stare, sed transire magis in proprium nomen contractus, velut in emptionem, venditionem, locationem, conductionem, societatem, commodatum, depositum, & ceteros eiusmodi contractus. Si verò extra nomina

contra

^a Paul. in l. & hæredi. §. finali.

^b Vlpi. lib. 33. ad edict. in l. nisi. ff. eod.

^c Floren. libr. 3. instit. §. si ex altera. ff. eod.

contractuum prædictorum de aliquo cōueniat, seu paciscatur alioqui, vtputa si dedi tibi rem, vt mihi aliam des, dedi vt aliquid facias, quod *συνάλλαγμα*, hoc est permutatio dici posset, & si in aliū cōtractum res non transeat, subsit tamen causa, eleganter Aristoteli Celso respondit, inesse obligationem & in prædictis. Et ideo putatum est, rectè Iulianum à Martino reprehensum in hoc, videlicet dedi tibi stichum, vt Pamphilum manumittas, manumisisti, euictus est stichus: Iulianus scribit, in factum actionem à prætore dandam, ille ait ciuilem incertam actionem præscriptis verbis sufficere. esse enim contractum quod Aristoteli *συνάλλαγμα* dicit, id est permutationem, vnde hæc nascitur actio. ^a Cum verò nulla subest causa facti seu dati, præter conventionem, hic constat, non posse constitui obligationem. Vnde & talis pactio nuda citra contractum, obligationem nec actionem parit, sed exceptionem duntaxat. quanquam interdum & formet nuda pactio actionem, vt in bonæ fidei iudicijs. Solet enim dici, pacta conuenta inesse bonæ fidei iudicijs: quod tamen sic accipiendum est, vt si quidem ex continenti pacta subsecuta sunt, etiam ex parte actoris insint, si verò ex interuallo, non inerunt, nec valebunt si agatur, ne ex pacto actio nascatur: vtputa si post diuortium conueniret,

ne

^a Vlpia. lib. 4.
ad edict. in l.
iurisperitiū. §.
j. ff. de pact.

ne tempore statuto dilationis per instrumentum dotis videlicet aut alia conventionione dos reddatur, sed quod statim, hoc non valebit. quando si alioqui esset validum, ex pacto simplici & nudo, actio nasceretur, quod esset contra prædicta. Idem Marcellus scribit, etiam si in tutelæ actione conveniat (quando & tutelæ actio, est extra omnem speciem contractus, & sic pactum in ea factum sit nudum) ut maiores quam statutæ sunt, usuræ præstentur, locum hoc non habebit ne (ut dictum est) ex pacto simplici & solo per se actio nascatur. Ea enim pacta quæ in ingressu contractus facta sunt, illa inquam sunt, quæ legem contractui dant. Idem responsum est à Papiniano, & si post emptionem ex intervallo aliquid extra naturam contractus conveniat, ob hanc causam agi ex empto non posse, propter prædictam regulam, ne ex pacto simplici & nudo, actio nascatur (quod & in omnibus bonæ fidei iudicijs erit dicendum) licet ex parte rei locum habeant pacta talia: quia solent & ea pacta quæ postea interponuntur, parere exceptiones^a cum in bonæ fidei contractibus, ita demum ex pacto actio competat, si incontinenti fiat: nam quod postea placuit, id non petitionem, sed exceptionem parit.^b Verum de his quæ pariunt actionem & exceptionem, prosequemur in sequent

^a Idem ibidē.
§. sed cum. &
§. vtruta.

^b Maximi. a.
Mario in l. in
bonæ fidei. C.
de pact.

quentibus latius suo loco, quando vigor & effectus pactorum hæc sunt postponenda alijs partibus, quæ causam suam præcedentē habent, hic verò vt ad rem redeamus vbi mentio pactorum est habita, eorum videlicet quæ non nuda sunt sed quæ in contractus varios fiunt, existimare in consequentiam & illud operæ pretium fuerit, num vbi facta sunt, seruare illa omnino sit necesse? num mutari vel recedi ab illa contraria pactione liceat, ac demum, num liceat indifferenter ac citra quoduis discrimen, pacisci seu conuenire de quibusuis, an verò non de omnibus, sed de aliquibus tantum? conuentionum verò quòd tres sint species, non maximi id puto futurum momenti, quatenus ad validitatem vel invaliditatem ipsorum, sed ad id duntaxat, vt cognoscatur, ex qua causa & à quo iure fiant. secundum quod dictum est, fieri ipsas, aut ex publica causa, aut ex priuata, & publicam conuentionem esse, quæ fit per pacem, quoties inter se duces belli quædam paciscuntur, ^a priuata verò aut legitima, aut iurisgentium. Et legitima quidem conuentio est, quæ à lege aliqua confirmatur, ideoq; interdum ex pacto actio nascitur, vel tollitur, quoties lege vel Senatusconsulto adiuvatur: ^b quibus contraria sunt illegitima quæ aduersus seu contra legē fiunt, de quibus suo etiam agemus

^a Vlpia. lib. 4.
ad edict. in l.
conuentionū.
ff. de pact.

^b Paul. lib. 3.
ad edict. in l.
legitima. ibi.

agemus loco. Iurifgentium conventiones, quædam actiones pariunt, quædā exceptiones, quæ pariunt actiones, in suo nomine non stant sed in contractus proprium nomen transeant^a vt vidimus in præcedētibus. Quæ pariunt exceptiones sunt pacta nuda ac simplicia, citra alicuius contractus nomen, de quorum vtriusq; differentijs prosequemur in sequentibus latius. Ad primum igitur eorum quæ paulò antè nobis tractanda proposuimus, si quidem fatendum est, vt in principio testati sumus, ad hoc pacta introducta fuisse ab eorum origine, vt aliquo vsui negotiationibus ac tractatibus hominū essent, nec recepta esse in iure inutiliter, constituendum est igitur, vt eiusmodi pacta inita obseruare à paciscentibus ipsis conueniat, quandoquidem huius edicti æquitas, naturalis est. Quid enim tam congruū est humanæ fidei, quàm ea quæ inter contrahentes placuerint, seruare?^b & tunc magis, quando bona fide, & citra fraudē aliquam sunt composita. ait enim prætor, pacta conuenta, quæ neque dolo malo, neq; aduersus leges, plebiscita, senatusconsulta, edicta, decreta principum, neq; quò fraud cuiquam eorum fiat, facta erunt, seruabo.^c Ideoque etsi de pascendo pecore partiaro inter Apolinarem pastorem, & suum dominum conuenerit, hoc est vt foetus eorum, portio-

C tionibus

^a Vlpia. lib. 4.
ad edict. in l.
iurifgentiū. §.
j. ibidem.

^b Vlpia. lib. 4.
ad edict. in l.
huius edicti. ff.
eod.

^c Vlpia. lib. 4.
ad edict. in l.
iurifgentium.
§. prætor ait.
ff. de pact.

tionibus quibus placuit, inter ipsos diuidantur, fidem pacto præstare, per iudicem compelli poterunt. ^a Similiter & si quis dotem pro alumna vel pro filia seu quauis alia dans, legem aliquam pacti constituat, seruari hanc oportet: nec oberit quod dici solet, ex pacto actionem non nasci, quando tunc hoc iure vtamur, cum pactum nudum est. quod si pecunia detur, & aliquid de reddenda ea cōuenit, vtilis ex hac conuentione competet condictio. ^b Idem & si debitori suo, aliquis hæres existeret, actio quam contra eum habuit adita hæreditate cōfunderetur. Si verò eam hæreditatem posteaquā in iudicio obtinuit, ei tradat, quem sententia superauerat, ea conditione pactoq; vt tam cæteris creditoribus, quā sibi, in eo quod sibi deberetur, si eam hæreditatem non adisset, satisfaceret: pacti conuentionisq; fides seruanda est. quæ si non seruetur, ex stipulatione (si modo pacto subiecta est) dabitur actio: vel præscriptis verbis, si stipulatio non interuenit. ^c nec referet etiam si ante aditam hæreditatem paciscatur quis cum creditoribus, vt minus soluatur, quando etiam pactum tale valiturum est. adeò vt si quis paciscendo etiam renuntiet priuilegijs quæ pro se introducta sunt, non ideo minus æquum sit, quod conuenit pacto seruari. vnde & si quis in conscribendo instrumēto, sese

confe

^a Anto. a. mu-
carrullo. in l.
si pascenda. C.
de pact.

^b Alexā. i. ni-
cæ. in l. legem.
C. cod.

^c Anto. a. Ma-
ximo in l. de-
bitori. C. de
pact.

confessus fuerit, non usurum fori præscriptione, propter cingulum militiæ suæ, vel dignitatis, vel etiam sacerdotij prærogatiuam: & licet antea dubitaretur, an oporteret eandem scripturam tenere, & eum qui hoc pactus esset, non debere aduersus suam conuentionem venire, an licentiam ei præstari, discedere quidē ab scriptura, suo autem iure uti: sancitum attamen est, nemini licere, aduersus pacta sua venire, & contrahentes decipere. Si enim ex ipso prætoris edicto, pacta conuenta, quæ neq; contra leges, neq; dolo malo inita sunt, omnimodo obseruanda sunt, quare & in hac causa, pacta non valeant? cū alia sit regula iuris antiqui, omnes licentiam habere, his quæ pro se introducta sunt, renuntiare: mandaturq; omnibus iudicibus, hoc in litibus obseruare, sic ut huiusmodi obseruatio & ad pedaneos iudices, & ad compromissarios & arbitros electos perueniat: scituros, quod si neglexerint, etiā litem suā facere intelligantur.^a Idemq; obseruari mandatur, nedum in principali causa, sed & in appellationibus pariter. Vnde & si qui prouocauit, pactus est intra diem certum, pecunia qua transegerat non soluta iudicatis se satisfacturū. Iudex appellationis, nullo alio de principali causa discussio, iustā confessionem, veluti confessi sequetur^b, & si quidē, ut est varius con-

^a Justinian. a
Ioanni præfe-
cto prætorio
in l. si quis. C.
cod.

^b Papinia. lib.
s. respon. in l.
tale pactū. f.
cod.

sensus, voluntas & mens hominum, accidat pa-
 cisci sapius pro re vel negotio aliquo, pacta no-
 uissima seruari oportere, tam iuris quam ipsius
 rei æquitas postulat. Quòd si conuentione quæ
 præcessit, diuersa pars vsuram se non esse con-
 sensit, & maximè, si (vt propositū fuit) id etiam
 apud acta præsidis asseuerauerit, actionem quæ
 super prima conuentione fuerat, exercere quis
 non prohibetur. ^a Si verò negotium omne sit fi-
 nitum, vtpote quòd liti de prædio motæ per pa-
 ctum renuntiatum sit, causam finitam instaura-
 ri posse, nulla ratio permittit. ^b neq; obseruatio-
 nibus pactorum prædictis quicquam repugna-
 bit, quominus prout sunt inita seruari debeant,
 licet in scriptis non fuerint redacta, quoniam si
 pactum bona fide interpositum doceatur, & si
 scriptura non existente, si tamen alijs probatio-
 nibus, rei gestæ veritas comprobari potest, præ-
 ses provinciæ, secundū ius custodiri efficiet. ^c nec
 ab illo duntaxat qui pactus ipse fuerit, sed & ab
 ipsius hærede interdum. Licet ergo epistola, quæ
 quis cohæredem sibi aliquem esse cauit, petitio-
 nem nullam aduersus possessorem rerum hære-
 ditiarum donet, si tamen inter debitorem, &
 eum qui fundum pignoratū à creditore, quasi
 debitoris negotium gerens emit, placuerit, vt ha-
 bita compensatione fructuum, solutoq; eo quod
 reliquum

Alexand. a.
 Macillæ. in l.
 pacta nouissi-
 ma. C. eod.
 Sæuerus &
 Anto. valeria.
 n l. postquam
 iti. C. eod.

Dioelet. &
 Maxi. aa. dexi
 nacho. in l. pa
 ctum. ij. C. de
 pact.

reliquum deberetur, fundus debitori restitueretur, etiam hæres, pacto quod defunctus fecit, fidem præstare debet. ^a Verum prout consensu & voluntate, seu pro arbitrio, non fiunt omnino pacta, vel fiunt pro libito contrahentium ubi occasio & voluntas utriusque accesserint. sic etiam ubi constituta sunt, vel ubi conuenit, mutari vel recedi ab eisdem poterit: mutatio verò ipsa cum multiplex ac varia esse possit, quid iuris sit in singulis, operæpretium fuerit inquirere: in bonæ fidei igitur iudicijs, re nondum secuta, quin per cōventiones quæ ex eodem sunt contractu, abiri ab eisdem possit, dubitationem non habet. Quod si in totum potest, cur non & pars eius mutari pactione poterit? & hæc ita Pompo. lib. vj. ad edictum scribit. Et cum est ex parte agentis, pactio locum habet, ut & ad actionem proficiat, re nondum secuta. Eadem ratione, si potest tota res tolli, cur non & reformari, ut quodammodo quasi renouatus contractus videatur? quod non insubtiliter dici potest. Vnde illud æquè non reprobat, quod Pomponius libris lectionum probat, posse videlicet in partem recedi pacto ab emptione, quasi repetita partis emptione. Sed & si cum duo hæredes emptori extiterint. si venditor cum altero paciscatur, ut ab emptione recedatur, ait Iulianus valere pactionem, & dissol-

a Vlpia. lib. 3.
opinionū. in l.
epistola. §. j. n.
de pact.

Ulpia. lib. 4.
l. edict. in l.
risgentiū. §.
leo. ff. cod.

ui pro parte emptionem : quoniam & ex alio
contractu paciscendo, alter ex hæredibus acqui-
rere sibi exceptionem potuisset. Vtrunq; itaque
placuit, & quod Iulianus & quod Pomponius
ait^a adeò vt pateat iam, ac certum sit, quòd ab
emptione, venditione, locatione, conductione,
cæterisq; similibus obligationibus integris om-
nibus, consensu eorū qui inter se obligati sunt,
recedi possit. Aristoniq; hoc amplius videbatur,
vt si ea quæ me ex empto præstare tibi oportet,
præstitissem. Et cum tu mihi propterea pre-
tium deberes, conuenisset mihi tecum, vt rur-
sum præstitis à te in rem venditam omnibus,
quæ ego tibi præstitissem, pretium mihi non da-
res, tuq; mihi præstitisses, pretium te debere de-
finere ait. Quia bonæ fidei (ad quam omnia hæc
rediguntur) interpretatio, hanc quoq; conuen-
tionem admitteret. Nec quidquam interesse,
vtrum integris omnibus, in quibus obligati esse-
mus, conueniret, vt ab eo negotio discederetur,
an in integrum restitutis his quæ ego tibi præ-
stitissem, consentiremus, ne quid tu mihi eo no-
mine præstares^b. Reformari verò seu mutari vel
elidi pactum per aliud pactum videtur, quem-
admodum si pactus ne peteret, postea conuenit
vt peteret, prius pactum sic, per posterius elide-
tur. non quidem ipso iure, sicut tollitur stipula-
tio

Neratius li.
membra. in
ab emptio-
§. j. ff. cod.

tio per stipulationem, si hoc actum est: quia in stipulationibus ius continetur, in pactis factum versatur, utpote per præstationes rerum seu factorum. Et adeò replicatione elidetur exceptio. Eadem ratione contingit, ne & fideiussoribus prius pactum prosit. ^a Quòd si non ut tolleretur totum contractum pactum conuentum intercessit, sed ut minueret, posterius pactum, potest renouare primum contractum. Quod & in specie dotis actionis procedere potest, utputa pactam mulierem, ut præsentem die dos redderetur: deinde pacisci, ut ei tempore legibus dato, dos reddatur, tunc enim incipiet dos redire ad ius suum, nec dicendum est deteriorem conditionem dotis fieri per pactum. Quoties enim ad ius quod lex naturæ ei tribuit, de dote actio redit, non fit causa dotis deterior, sed formæ suæ redditur. Hæcque & Scæuolæ placuerunt: ^b illud planè conuentione, quæ pertinet ad resoluendum id quod actum est, perfici non potest, utpote quòd tu, id quod iam ego tibi præstiti, contra præstare mihi cogaris. quia eo modo non tam hoc ageretur, ut à pristino negotio discedatur, quàm ut nouæ quædã obligationes denuo inter eos constituerentur. ^c Quemadmodum & si pactum conuentum tale fuit, quòd actionem quoque tolleretur, veluti iniuriarum, non poterit postea paciscendo

^a Paul. libr. 3.
ad edict. in l. si
vnus. §. pact.
ibidem.

^b Idem ibidē.
versic. quòd si
non.

^c Nerat. libr. 5.
membra. in l.
ab emptione.
versic. illud. in
fi. ff. eod.

efficere, vt agi possit: quia & prima actio sublata est, & posterius pactum, ad actionem reparandam inefficax est. Si quidem non ex pacto iniuriarum, actio nascitur, sed ex contumelia idem dicendum est, & in bonæ fidei cōtractibus, si pactum conuentum, totam obligationem sustulerit, veluti empti, non enim ex nouo pacto prior obligatio resuscitatur, sed proficit pactum, ad nouum contractum.^a Similiter & postquam liti de prædio motæ renuntiatum est, causam finitam, pacto instaurari posse, nulla ratio permittit.^b vt in præcedentibus iam est deductū. Velut maximè & in fideiussoribus hoc obtinet. Vnde & si reus postquā pactus est, à se non peti pecuniam (ideoq; cœpit id pactum fideiussori quoq; prodesse) pactus sit demum idem reus, vt à se peti liceat, cum quæreretur, an vtilitas prioris pacti sublata sit fideiussori, verius visum est, semel acquisitā fideiussori pacti exceptionem, vltcrius ei inuito extorqueri non polle.^c & de pactis validis ac mutationibus pactorum satis hætenus: cum verò in præcedentibus dictum sit, pacta seruanda esse. seruare porrò pactū, cum indefinitum ac indistinctum sit, discussionem illam nobis relinquere videtur, num indifferenter & citra discrimen, pacta omnia seruanda sint, an verò obseruare aliqua conueniat, aliqua autem

^a Paul. libr. 3. ad edict. in l. si vn^o. §. pactus. versi. sed si. ff. cod.

^b Seuer. & Anto. valer. in l. postquā liti. C. cod.

^c Furius ant. th. li. 1. ad edict. in l. si reus. ff. cod.

tem non. & si quidem cohueniens sit & rationale, introducta ad hoc fuisse, vt obseruarentur, magis quàm vt componerentur inter homines inutiliter, ea tamen est humanæ naturæ conditio, vt si indistinctè ex omni causa pacisci liceret, plurima essent, quæ mala fide, quæ iniquè & contra leges fierent, quàm quæ econtra ex præscripto legis, & secundum rationem: vnde nimirum si prouidentia quadam, adhibendum tale discrimen in his inductum fuerit, vt sola illa ad obseruandum reciperentur pro legitimis, quæ re ipsa & verè legitima essent: quæ verò non sic, prohiberentur, ac iudicarentur extra omnem obseruationem illicita, & non recipienda. Dictum igitur est, pacta conuenta quæ neq; dolo malo, neq; aduersus leges, plebiscita, senatusconsulta, edicta, decreta principū, neq; quo fraus cuiquam eorum fiat, facta erunt, talia inquam seruari faciet pro sua iurisdictione prætor.^a Et dolum malum excipit à pacto prætor: ex eo quod talia caliditate & fallacia fiant. & (vt ait Pedius) dolo malo pactum fit, quoties circumscribendi alterius causa, aliud agitur. & aliud agi simulatur.^b Sed cum & si fraudandi causa pactum factū esse dicatur, nihil prætor edicat, eleganter Labeo ait, hoc aut iniquum esse, aut superuacuum, iniquum si quod semel remisit creditor debitori suo, bona

C s fide,

^a Vlpia. lib. 4. ad edict. in l. iurisperitū. §. prætor ait.

^b Idem ibidē. §. pactorū. ver. dolo malo.

fide, iterū hoc conetur destruere: superuacuum, si ipse deceptus hoc fecerit, inest enim dolo, & fraus. Siue igitur ab initio dolo malo pactum factum est, siue post pactum, dolo malo aliquid factum est, nocebit exceptio, propter hæc verba edicti, ne quid fiat. ^a Ideoq; & si posteaquam aduersarius seu quiuis alius victus esset, vel quomodouis aliter aliquem circumueniat, vt ei caueat, nullam se controuersiam de seruis siue de re alia moturam, quoties pactum mala fide fiet, id erit irritum: & ex tali conuentione cum agere cœperit, iudex dānum vel circūuentionem passum, liberabit. ^b Quandiu ergo in pactis cessabit dolus, fraus, circunuentio & eiusmodi mala, & secundum legum decreta vel ordines fient, præterea, tandiu iusta & valida esse censerī oportet. Quare & si quis in cōtractibus depositi, commodati, locati & cæteris similibus, hoc pactum constituat, vt ne facias furem vel fugitiuum seruum meū, hoc est, ne sollicitus vt fur fiat, vel fugitiuus, ne ue ita negligas seruū, vt fur efficiatur, sicut serui corrupti actio locum habet, ita potest etiam hæc pactio locum habere, quæ ad non corumpendos seruos pertinet ^c cuiusmodi & pactū vt si quas summas propter tributiones prædij pignori nexi factas, creditor soluisset, à debitore reciperet, & vt tributa eiusdem prædij debitor

^a Idem ibidē.
^{§.} sed si.

^b Alex. a. Dio
nysio in l. cū
postquā. C. de
pact.

^c Vlpian. libr.
42. ad Sabi. in
l. non impossi
bile. ff. de pac.

bitor penderet: iustum est, & ideo seruandum
 nec improbantur illa pariter, si paciscatur a-
 liquis ne iudicati, vel incensarum ædium aga-
 tur, hoc enim pactum validum erit. Quòd si pa-
 ciscatur aliquis, ne operis noui nuntiationem
 exequatur, quidam putauerunt non valere pa-
 ctionem, quasi in ea re prætoris imperiū verfa-
 retur. Labeo autem distinguendum putauit, vt
 si ex re familiari operis noui nuntiatio sit facta
 liceat pacisci, si de re publica, non liceat. quæ di-
 stinctio vera est. In cæteris igitur omnibus ad
 edictum prætoris pertinentibus, quæ non ad pu-
 blicam læsionem, sed ad rem familiarem respi-
 ciunt, pacisci liceat. Nam & de furto, pacisci lex
 permittit. Sed & si quis paciscatur ne depositi
 agat, secundū Pomponium valet pactum. Item
 si quis pactus sit, vt ex causa depositi, omne pe-
 riculum præstet, Pompo. ait pactiōnem valere,
 nec quasi contra iuris formam factam, non esse
 seruandam: bimò & si conditionis incertum seu
 incerta conditio, conuentione vel pacto finire-
 tur, non ideo minus valida essent: velut cū ver-
 bis fideicommissi petitem ab aliquo aliquando
 profiteatur, vt si vita sine liberis decederet, hæ-
 reditatem Licinio Frontoni restitueret, pactum
 eo tempore de sextante videlicet Licinio Fron-
 toni dando, interpositum, cū liberos Philinus
 non

a Vlpia. libro
 3. opinio. in l.
 epistola. §. pa-
 ctum. ff. cod.

b Vlpia. lib. 4.
 ad edict. in l.
 iurifgentiū. §.
 si paciscar. ff.
 cod.

non sustulerit. Non idcirco potest iniquum **vi-**
deri, quòd facta sicut placuit diuisione, diē suū
 te filio eius superstite functus est. ^a Quod verò
 dictum est pacisci non licere aduersus edicta, po-
 test locum habere in edictis principum, non an-
 tem generaliter, quando & pacisci contra edi-
 ctum ædilium curulium omnimodo liceat, siue
 in ipso negotio venditionis gerendo cōuenisset,
 siue postea. ^b & valida quidem esse prædicta o-
 mnia & cætera his similia, interpretandum est,
 vt valeant pro modo & conditionibus quibus
 conuenit, non autem aliter, vnde & si de inoffi-
 cioso patris testamento acturus, vt ei certa quan-
 titas, quoad viueret hæres præstaretur, pactus
 est: cum produci ad perpetuam præstationem
 id pactum postularetur. Rescriptum est, neque
 iure vllō, neq; æquitate, tale desiderium admi-
 ti, ^c prout & ex nudo pacto inefficaci ac inuali-
 do ad obligationem euenit, propter quod si cer-
 tis annis quod nudo pacto conuenerat, datum
 fuerit, ad præstandum in posterum indebitum
 solutum, obligare non potuit eum, qui pactum
 fecit. nisi placitis stipulatio intercesserit ^d cæte-
 rum dolum fraudes, circumuentiones & eiusmodi,
 dicimus in præcedentibus ob stare validitati
 pactorū, ita & generaliter, quotiescunq; pactum
 à iure communi remotū fuerit, seruari hoc non
 oportet

^a Senec. & An-
 to. aa. Philino.
 in l. j. C. de pa-
 ctis.

^b Vlpia. lib. i.
 ad edict. curu-
 lium. in l. paci-
 sci. ff. cod.

^c Vlpia. lib. 3.
 opinio. in Lepi-
 stola. §. de in-
 officioso. ff. e.

^d Dioclet. &
 Maxi. aa. leon-
 tio. in l. si cer-
 tis annis. C. de
 pact.

oportet. ^a Quandoquidem & pacta quæ contra
 leges, constitutionesq; vel contra bonos mores
 fiunt, nullā vim habere indubitati iuris est. ^b pa-
 cta igitur contra iuris civilis regulas, rata non
 habentur, veluti si pupillus, sine tutoris autori-
 tate pactus sit, ne à debitore suo peteret, aut ne
 intra certum tempus (veluti intra quinquen-
 nium) peteret: nam de iure nec solui ei sine tu-
 toris autoritate potest. Ex diuerso tamen, si pu-
 pillus pacisceretur, ne quod debet à se petatur,
 ratum haberetur pactum conuentum: quia me-
 liorem suam conditionē facere ei etiam sine tu-
 toris autoritate concessum est. prout & sicura-
 tor furiosi aut prodigi pactus sit, ne à furioso aut
 prodigo peteretur, longē vtile esset, curatoris pa-
 ctionem recipi, sed non econtra: ^c absolum enim
 id & citra omnem rationem dijudicari posset, si
 pactis priuatorum pro arbitrio aduersari legi-
 bus liceret, non minus quā si de illis conce-
 deretur pacisci, quæ publicam causam contin-
 gunt. quando quotiescunq; pactum conuentum
 à re priuata remotum est, non esse seruandum
 leges perhibent, ^d cum ius publicum, priuato-
 rum pactis mutari nequaquam possit. ^e Velut
 etiam si inter debitorem & creditorem conue-
 niret, vt creditor onus tributi prædij pignorati
 non agnosceret, sed eius soluendi necessitas ad

debit

a Vlpia. lib. 4.
 ad edict. in l.
 iurisgentiū. §.
 si paciscar. ver
 si. & generali-
 ter. ff. de pact.
 b Anto. 2. Bassi
 lia. in l. pacta
 quæ. C. cod.

c Caius lib. 1.
 ad edict. pro-
 uin. in l. cōtra
 iuris. §. j. ff. de
 pact.

d Paul. lib. 3.
 ad edict. in l. si
 vnus. §. pacta.
 in fin.

e Papin. lib. 2.
 quæst. in l. ius
 publicū. ff. de
 pact.

debitorem spectaret : talem conuentionē (quā-
tum ad fisci rationem) non esse seruandam Pa-
pinianus respondit. pactis etenim priuatorum,
formam iuris fiscalis cōuelli non placuit.^a Quod
& Imperatores Seuerus & Anto. in hāc ferē sen-
tentiam rescripserunt, priuatis uidelicet pactio-
nibus, non dubium esse, non lædi ius cæterorū.^b
Idemq; & alibi hoc modo debitori reipublicæ,
à curatore remitti pecunias non posse, & cūm
Philippensibus remissæ essent, reuocandas esse.^c
In consequentiam verò seu ad similitudinē præ-
dictorum, introductum dici potest, vt quēmad-
modum pacto recedere non licet, ab his quæ iu-
re communi disposita sunt, ita nec eodem pari-
ter permittatur, vel licitum alioqui sit, conueni-
re aduersus ea, quæ iuregentium seu naturæ, aut
pro certa æquitate ac ratione, lōgo iam vsu sunt
recepta, & obseruatione aliqua approbata : cu-
iusmodi ius agnationis non posse pacto repudia-
ri, non magis quàm vt quis dicat nolle suum li-
berum, suum patrem & fratrem esse, Iuliani sen-
tentia est.^d prout & in his quæ vt consensus es-
sent liberi, relictæ in puro cuiusq; arbitrio sunt,
propter quod & nemo paciscendo efficere po-
test, ne sibi locum suum dedicare liceat, aut ne
sibi in suo sepelire mortuum liceat, aut ne vici-
no inuito prædium alienet.^e & eiusmodi infi-
nita,

a Papi. lib. 17.
respon. in Lin-
ter debito. ff.
de pact.

b Scauola li.
1. digest. in l.
Imperatores.
ff. de transac.

c Papyrius Iu-
stus lib. 2. con-
stit. in l. Im-
peratores. ff.
de pact.

d Modest. li.
5. regu. in l. ius
autē. ff. de pac.

e Pompo. lib.
4. ad Sabi. in l.
nemo. ff. eod.

nita, ne testari, ne matrimoniū contrahere liceat, & cætera similia. Item & cum sumptus prorogare litiganti honestum sit, pacisci autem, vt non quantitas eo nomine expensa cum vsuris licitis restituatur, sed pars dimidia eius quod ex ea lite datum erit, non licebit.^a Turpes verò & quæ ad tristem seu periculosum exitum deducunt pactiones ad dānā, insidias & eiusmodi, nemo non dixerit tales cum iniquæ sint, iure & meritò improbandas ac expellendas ab omni bene instituta republica. Non ab re ergo & si in eam sententiam dictum sit, pacta quæ turpem causam continent, non esse obseruanda. Veluti si paciscatur quis ne furti agat vel iniuriarum, si furtum vel iniuriam feceris. quandoquidem expediat timeri furti vel iniuriarum poenam. quanquā & post admissa hæc, pacisci quilibet possit. Item ne experiat quis interdicto, vnde vi, quatenus publicā causam contingit,^b prout dicimus in præcedentibus. quemadmodum nec illud vlla pactione effici potest, ne dolus malus præstetur: quamuis si quis paciscatur ne depositi agat, re ipsa id pactus videatur ne de dolo agat, quod pactum proderit,^c quasi in consequentiam actionum duarum, sic vt alterum dependeat ex altero, quod simpliciter alioqui non liceret, vt dictum est. Huiusmodi est & quod nobis exemplo

^a Vlpia. lib. 4. opinionū. in l. sumptus. ibid.

^b Paul. libr. 3. ad edict. in l. si vnus. §. pacta. ibidem.

^c Idem ibidē. §. illud nulla.

plo sequēti proponitur, vtpote quòd duabus vel
 pluribus personis, spes alienæ hæreditatis fuerat,
 ex cognatione fortè ad eos deuoluendæ, pacta q;
 inter eos inita sunt, pro aduentura hæreditate,
 quibus specialiter declarabatur, si ille mortuus
 fuerit, & hæreditas ad eas peruenerit, certos mo-
 dos in eadem hæreditate obseruari: vel si fortè
 ad quosdam ex his hæreditatis cōmodum per-
 uenerit, certas pactiones euenire. Et cū dubita-
 retur si huiusmodi pacta seruari oporteret, facie-
 bat eis quæstionem, quia adhuc superstite eo de
 cuius hæreditate sperabatur, huiusmodi pactio
 processit, & quia non sunt ita confecta, quasi o-
 mnimodo hæreditate ad eos peruentura, sed sub
 duabus conditionibus composita sunt, si ille mor-
 tuus fuerit, & si ad hæreditatem vocentur ij, qui
 huiusmodi pactionem fecerunt, & cū omnes
 eæ pactiones odiosæ visæ sint, & plenæ tristissi-
 mi ac periculosi euentus. Quando quodam vi-
 uente & ignorante, de rebus eius quidam paci-
 scentes conueniunt; secundū veteres itaq; re-
 gulas sancitum est, omnimodo huiusmodi pa-
 cta, quæ contra bonos mores inita sunt repelli,
 & nihil ex his pactionibus obseruari. nisi ipse for-
 tè de cuius hæreditate pactum est, voluntatem
 suam, eis accommodauerit, & in ea, vsq; ad ex-
 tremum vitæ spatiū perseuerauerit: tunc etenim
 sublata

sublata acerbissima spe licebit eis illo sciente &
 iubete, huiusmodi pactiones seruare. quod etiam
 anterioribus legibus & constitutionibus non est
 incognitum: licet hoc edicto clarius sit introdu-
 ctum. Iubetur etenim neque donationes talium
 rerum, neq; hypothecas, penitus esse admitten-
 das, neq; alium quenquam contractum. Cum in
 alienis rebus contra domini voluntatem aliquid
 fieri, vel pacisci, secta temporū nostrorum non
 patiatur.^a Quale & pactum fuit quod dotali in-
 strumento comprehensum est, vt si pater vita
 fungeretur, ex æqua portione ea quæ nubebat,
 cum fratre hæres patri suo esset. quod neque yll-
 lam obligationem contrahere, neq; libertatem
 testamenti faciendi mulieris patri potuit aufer-
 re.^b Quanquam etsi inter priuatos locum hæc
 non habeant, aliter attamen militibus pergen-
 tibus ad discrimen belli sit permissum. ^c Idem
 & si vt maleficium fiat vel non fiat, promissum
 sit, nulla est obligatio ex tali conuentione ^d &
 generaliter in prædictis seu eorum similibus, &
 si iusiurandum pro illis sit adactum nequis agat,
 non seruandum Marcellus lib. ij. digestorū scri-
 bit. Et si stipulatio sit interposita de his, pr- qui-
 bus pacisci non licet, seruanda non est, sed om-
 nimodo rescindenda. ^e Quantum autem a qua-
 litates vel conditiones pactorum reliquasi qui-
 dem

^a Iustin. a. Io-
 anni præ. si. in
 l. de quæstio-
 ne. C. de pact.

^b Valerian. &
 Galie. aa. pactu
 meio in l. pa-
 ctum. la j. C.
 de pact.

^c Diocl. & Ma-
 xim. victoria-
 no militi in l.
 licet inter. C.
 cod.

^d Vlpia. lib. 4.
 ad edict. in l.
 iurisgentiū. §.
 si vt maleficiū.
 ff. de pact.

^e Idem ibidē.
 §. si paciscar.
 versi. & gene-
 raliter.

a Papin. lib. 7.
questio. in l.
veterib⁹. ff. de
pact.

dem obscura vel ambigua pactio concepta fuerit, veteribus placuit, venditori, & ei qui locauit (& sic in ceteris contractibus) nocere potius quam emptori & conductori: in quorum fuit potestate, legem apertius conscribere: Quatenus verò facto & occasione multiplici accidit, vt qui paciscuntur, nullam interdum neque communionem neq; relationem ad aliquos habeant, interdum verò communione varia iungantur, ita vt per vicissitudines mutuas, ex facto vel opere aliorum, commodi vel incommodi accedat aliquid in alios, ad quos videlicet relatione patriæ vel dominicæ potestatis, siue alia, aut vicissitudine communis negotiationis, vel communione bonorum, se referunt aliqua: deductum est in questionem propterea, num pacta cum vno ex prædictis facta, alijs prosint vel noceant? An pacisci verò vel conuenire omnibus, indifferenter liceat, hic non agitur: quandoquidem dictum est, pacta non constituere certam alicuius facti principalis speciem, sed velut ad subsidium aliquorum interuenire, sic vt partem duntaxat eorundem constituent. Vnde nimirum si & qui contrahere possunt, iisdem & pacisci & transigere, & stipulari liceat, & permittatur: velut & qui vaili sunt ad testamenta, iisdem ad substitutiones, legata fideicommissa & ad codicillos suffi

sufficiant: de illis ergo qui contrahere & pacisci lege permittente possunt, quaestio hæc est, quantum ad personas paciscentes, vel in quas concipiuntur pacta, si ij patresfamiliâs vel domini fuerint (vt prius de his qui adinuicem propter affinitatem vel potestatem patriam de minorum, relationem habent aliquam, agamus) qui filios vel seruos in eorum potestate habent, num pactum per quemuis horum factum, proficit aut noceat alij? ad ea quæ pactorum effectus constituunt vel produciunt alioqui: si ergo de patris filiorumfamiliâs agendum est prius, vel ex eo quod frequētissima sint, mox de reliquis suo ordine: pacisci igitur cum cōtingere possit hos, pro modo conditionis vel relationis, quam ad parentem habent differēter, & alias quidem ex causa vel occasione quæ sit propria ipsius filij, aliâs de causa quæ vtrunq; tangat, tam filium videlicet quam patrem interdū, & de ea quæ ad ipsum duntaxat patrem spectet. Et filius quatenus filiusfamiliâs cū hoc solo à cæteris differat, quia in potestate parentis est, nec bona habeant multi, quorū occasione pacisci expediat, contrahendo, vel aliter quomodouis negotiando, quatenus tamen & ex his quamplurimi, siue omnes habere bona apti seu habiles sunt, de his quæ sibi obuenire possunt aliquando, conueni-

nire nihil impedit: quemadmodum filiusfamiliâs de eo quod sub conditione sibi legatum est, rectè paciscitur. Item & filiafamiliâs pacisci potest, ne de dote agat, cum sui iuris esse coeperit.^a Ex eo verò quod commune utriq; est, vel participat pater in damnis datis, vel iniurijs illatis filio, propter communem relationem ad sanguinem, unde & vterque ad sese vindicandum proportionem actionem obtinent, & si quidem videndum est in persona filijfamiliâs, an si pactus sit ne ageret, valeat pactio: quia filiusfamiliâs aliquando habet actionem ut dictum est, veluti iniuriarum, quin pactio filij nocitura non sit patri agere volenti, dubitare non oportet.^b Quòd si filiusfamiliâs pactus fuerit ne à se petatur, proderit ei & patri quoque, si de peculio conueniatur^c vel de in rem verso, vel si quasi defensor filij, (si hoc maluerit) cõueniatur.^d Et hæredi patris viuo filio: post mortem verò filij, nec patri, nec hæredi eius, quia personale pactum est.^e Ex re autem parentũ, siue ex administratione quam exercent vel negotiantur filijfamiliâs in bonis parentum propriorum, si quidem contrahendo paciscantur, ne à patre petatur siue de eo paciscantur quod cum ipsis, siue de eo, quod cum patre est contractum, acquirunt & sibiipsis & parentibus exceptionem.^f Si verò pactus sit filius

ne

^a Paul. lib. 3. ad edict. in l. & hæredi. ff. de pact.

^b Caius lib. ad edict. provin. cia. i. in personam ff. eo.

^c Paul. lib. 3. ad edict. i. in l. acquirant. ibid.

^d Caius lib. 1. ad edict. provin. in l. vel de ibidem.

^e Paul. lib. 3. ad edict. i. in l. & hæredi. ibi.

^f Paul. lib. 3. ad edict. in l. si tibi x. in fi. cum l. seq. ibidem.

ne ipse peteret, inutile erit tale pactum. ^a quando hoc non potest in parentum suorum praeiudicium, si de re seu debito patris paciscatur, vel de peculio etiam, cuius usufructus patris est. Si quidem filius paciscendo vel debitum accipiendo, nihil detrahat patris obligationi. ^b Quando & his qui in aliena potestate sunt, recte solui potest, quod crediderint, licet nouare non possint. Quodque & in duobus reis stipulandi obseruatur. ^c Quod si in rem paciscatur filius, id est ne ea pecunia petatur, ita pactio huius rata habenda erit, aduersus patrem, si liberam peculij administrationem habeant, & si ea res de qua pacti sunt, peculiaris sit: quod & ipsum tamen non est expeditum. Nam cum verum est (quod & Iuliano placet) etiam si maximè quis administrationem peculij habeat concessam, donandi ius non habere eum, sequitur ut si donandi causa de non petenda pecunia pactus sit, non debeat ratum haberi pactum conuentum. Quod si pro eo ut ita pacisceretur, aliquid in quo non minus, vel etiam amplius esset, consecutus fuerit, rata habenda erit pactio. ^d Ex quibus quidē notum esse potest, quando & ex quibus rebus pacisci filiis familias concessum sit, & quando non: Si verò e contrario de pactis parentum inquiratur, num videlicet his quos in potestate habent, paciscen-

^a Caius lib. 1. ad edict. provinc. in l. contra. §. si filius. ibidem.

^b Diocl. & Maximian. ad hon. rat. in l. fili. C. de pact.

^c Paul. lib. 3. ad edict. in l. si vnus. §. j. in ff. cod.

^d Caius lib. 1. ad edict. provinc. in l. contra iuris. §. si fili. ff. de pact. seq.

do prodesse possint: non posse Proculus ait, sed parentibus id profuturum, si nomine eorū conueniantur: quod ita rectè dicitur, si in paciscendo id actum sit. Ego tamen distinguendum putarem hoc modo, vt si concipiant pactum parentes in re propria ipsorummet, etiā in personam filiorum quatenus nihil habent ij, cum omnia penes ipsos parentes sint, etiam vtilitate pacti sibijsis proficient: non autem liberis penes quos nihil est. Si verò in res concipiant, quorum proprietas liberis quæsitā sit, dubium non facerem, quin & pacti commodū, cum re de qua est conuentum, posset prodesse filio. Cæterū quantum ad defensionem vel ad exceptionē quærendam attinet, si paciscatur pater ne à Titio filio petatur: deinde actionē aduersus eum cum quo pactus est nomine filij instituat, non erit danda pacti conuenti exceptio patri, nam quod ipsi filio inutile est, nec defensori eius competet. Iulianus quoq; scribit, si pater pactus sit, ne à se neue à filio suo petatur: magis esse, vt pacti exceptio filio familiās danda non sit, sed doli exceptio proficiat, si in fraudem vel dolum sit factum.^a Ex conuentione verò qua pactā alicuius nouercam cum patre eiusdem dicitur, cum fundum in dotem daret, vt creditoribus quibus fuerāt prædia obligata, vsuras solueret, actio filio aduersus eā competere

^a Pau. lib. 3. ad
edictū. in l. &
heredi. §. nos
autē. ff. de pac.

petere non potest, & si pactum in stipulationem deductum probetur. Quandoquidem pactum in personam mulieris cōceptum, aduersus eam, creditoribus magis actio competit, si stipulatione firmatum sit, quàm filio. Quod si fundus æstimatus in dotem datus sit (cum per æstimationem ipsam, in venditionis naturam transformetur) ex vendito actio vt placitis stetur competit. ^a Quemadmodum & solis illis conventiones prodesse receptum est, de quibus est dictum, non autem cæteris, velut si auus neptis nomine quam ex filio habebat, dotem promisit, & pactus est, ne à se ne uè à filio suo, dos peteretur, si à cohærede filij dos peteretur, ipse quidem exceptione conventionis tuendus non erit, filius verò exceptione cōventionis recte vtetur, quippe hæredi consuli cōcessum est. Nec quicquam obstat vni tantum ex hæredibus prouideri, si hæres factus sit, cæteris autem non consuli. ^b Paciscuntur & serui eadem planè lege, qua & filij familias, licet horum ratio sit paulò arctior in aliquibus. Quemadmodum ergo per mutationes quasdam status fit, vt qui liberi sunt serui fiant, & econtra rursus ex seruis libertatem adipiscantur variè, & utroq; modo conventiones dissimiliter fiant. Itaqueuenit pariter, vt harum quædam inutiles omnino existant, quædam vtilis: aliquibus si-

^a Alex. a. Captoni. in Lex. conuentione. C. de pact.

^b Celsus lib. 1. digest. in l. a. tus. ff. eo.

bijplis & suis dominis profint, alijs non profint: acquirant vel non acquirant actiones, exceptiones & eiusmodi: manifestum etenim illud est, suis rationibus vt quæ quis paciscitur sine libertate ex sua persona, quando nec consensum nec bona habeat, seu subiectum aliquod in quo pacitionem suam cōcipiat, quod etiam tunc pactio inutilis sit, ac nullius momenti, vnde & si quis in seruitute aliquid pactus fuerit, negat Marcellus talem rectè pacisci, quoniam non soleat eī proficere, si quid in seruitute egerit, post libertatem: quod & in pacti exceptione admittitur.

^a Marcell. libr. 18. digest. in l. & suum. ff. de pact.

^b Vlp. lib. 4. ad edictū, in l. iurisperitiū. §. si. ibidem.

^c Marcell. libr. 18. digest. in l. & suum. §. j.

quanquam doli exceptio in his non respuatur^a. Idem & si scriptus hæres sub conditione sit, ac paciscatur prius quàm libertatem & hæreditatem adipiscatur, non profuturum etiam pactum Vindius scribit. ^b E contra verò si seruus necessarius, purè scriptus sit, & paciscatur etiam prius quàm sese immisceat, talè rectè pacisci putant, quod & verum est, ^c quandoquidem & libertatem & bona habeat hic, purè scriptus, ex quo extra seruitutē missus, hominibus liberis quantum ad hæc, similis efficitur: ita vt quasi talis eiusdem pacta rata & valida habeantur. Idem putat & in extraneo hærede, qui si mandato creditorum adierit, etiam mandati eum dicit habere actionem. & hæc de seruis simpliciter, quatenus

nus ad illorum duntaxat personas facit: si verò negotiantes contrahentes dum serui sunt, relatio ad suos dominos, sub quorum subsunt potestate, habeatur, si quidem negotiari & contrahere de dominorum suorum consensu illis nequaquam prohibetur, ita ut si dominicam pecuniam crediderit servus, quod credendi tempore pactus est, valere Celsus ait.^a Quandoquidem & illud etiam de æquitate iuris receptum est, ut per quos acquiri nobis stipulationibus potest: per eosdem pactis cōuentis meliorem conditionem nostram fieri posse.^b adeò ut si paciscatur servus, ne à domino petatur, siue de eo paciscatur quod cum ipso, siue de eo quod cum domino contractum est, acquirant domino, pacti cōuenti exceptionem: quod observatur etiam, & in his qui bona fide seruiunt.^c Si quid verò referant ad seipsos, vel in suam personam, quatenus serui sunt, ut dicimus in præcedētibz, id inutile & nullius momenti erit. Vnde & si paciscatur servus, ne à se petatur debitum, vel ne petat ipse debitum, utroq; modo inutile erit tale pactum.^d Quod si neq; in personam domini, neq; in suam paciscantur serui, sed in rem ipsam, indefinitè pactum concipiant, ut de filiofamilias dicimus, cum donandi ius non habeant, etiam si illis peculij administratio sit concessa, tunc tantum va-

^a Vlpia. lib. 4. ad edict. in l. fin autē. ff. co.

^b Paul. libr. 6. regula. in l. per quos. ibid.

^c Paul. lib. 3. ad edict. in l. si tibi. §. fin. cum l. seq. ibidem.

^d Paul. li. 3. ad edictū, in l. & heredi. §. qd si. & Caius li. 1. ad edict. pro uin. in l. cōtra iuris. §. si filius. ff. de pact.

a Caius lib. 1.
ad edict. pro-
uin. in l. contra
iuris. §. si fili.
in fi. ff. eo.

b Pau. lib. 3. ad
edictū. in l. si
vnu. §. si ibid.

c Seuer. & An-
to. aa. restitu-
to. in l. seruus.
C. de pact.

d Iulia lib. 35.
digesto. in l. si
debitor. ff. eo.

lida erunt horum pacta, vbi aliquid vel etiam
amplius, in vtilitatem suorum dominorum con-
sequentur. ^a Similiter & si in rem pactum con-
uentum sit factum, per seruum hæreditarium,
hæredi acquiri poterit: quanquam idem seruus
hæreditarius, hæredi post adituro nominatim
pacisci non possit, quia nondum dominus is sit ^b.
Ideoq; nec nomine eius paciscens, illi actionem
acquirere posset. Nisi fortè citrà expressionem
nominis, hæredi futuro pacisceretur, quia tunc
secus esset. Et velut in genere dictum est, seruos
suis dominis prodesse posse, obesse autè nequa-
quam: ita & per singulas species intelligere hoc
conuenit. & sic seruus creditoris, meliorem cau-
sam domini facere potest, in deterius autem re-
formare, nouo pacto non potest obligationem
rectè constitutam. ^c Idem & si debitor sit fru-
ctuarius serui, & paciscatur seruus in quo vsum-
fructum habet, ne à suo fructuario petatur, paci-
scendo meliorem conditionem eius facit: ita &
si creditor esset fructuarius, & pactus esset ne pe-
teret, seruus autem fructuarius pacisceretur de-
mum vt peteret, beneficio pacti, quod seruus in-
terposuisset, vtiliter ad petitionem dominus ad-
mitteretur. ^d De pactis dominorum, an profint
seruis, superfluum esset inquirere, quando cer-
tum est, seruos quando serui sunt, nihil acquire-
re aut

re aut habere posse, quin dominorum sit: ita ut
 damnum & utilitas, in ipsos redundet semper:
 seruis utpote inhabilibus ad hæc omnia. Ex re
 serui autem, vel de seruo ipso, si paciscatur do-
 minus cum debitore videlicet, utpote ne stichum
 qui sibi debebatur peteret, mortuo sticho, intra
 tempora ad non petendum data, non tenebitur
 reus, qui ante pactum etiam, moram non fecit.^a
 Prædictorum similitudine porrò, vel sic exigente
 paritate negotij, producta quæstio hæc duci po-
 test, & ad tutores, curatores, procuratores, magi-
 stros societatum, & cæteros eiusmodi, inquiren-
 do, videlicet, num si paciscantur ij, illorum pacta,
 pupillis, adultis, dominis procuratorum, conso-
 cijs & similibus, profint vel nocent an secus? &
 de tutore quidem, dubium non est (ut Iulianus
 scribit) quin horum pacta, pupillis prodesse pos-
 sint.^b Velut & negotiatio eorum seu munus to-
 tum, quod ad hoc introductum esse videtur, ut
 per omnia profint magis quam obsint. Et obsint etiã
 interdum, si qualitas negotij & æquitatis ratio
 id postulet: prout & ex horum officio toto, suis
 locis liquidius patere potest. ita ut ad tutores
 etiam negotium habentes cum pupillis, iusta ani-
 maduersio adhibeatur, utpote & si in eo esset pu-
 pillus, ut ab hæreditate patris abstineretur, & tu-
 tor cum plerisque creditoribus fortè decidat, ut
 certam

si dicitur?
 J m. n. p. 1.
 p. 11. n. 1.

a Sæcio. apud
 Iulia. lib. 32. ff.
 in l. si pactus.
 ibidem.

b Paul. li. 4. ad
 edict. in l. tu-
 toris. quoque
 ff. de pact.

a Scauola lib.
l. respon. in l.
eū in co. ff. eo.

b Caius lib. i.
ad edict. pro-
pinc. in l. cōtra
iuris. ver. si cu
rator. ibidem.

c Diocl. & Ma-
xim. aa. in l. pa-
tū curato. la-
tij. C. de pact.

d Vlpia lib. 2.
ad edictū, in l.
item magistri.
ff. cod.

certam portionem accipiant, idemq; & curato-
res cum alijs faciāt, quæraturnq; an & tutor idēq;
creditor patris pupilli, eandem portionem re-
mittere debeat? Responderi potest, cum tuto-
rem qui cæteros ad portionem vocaret, eadem
parte contentum esse debere.^a Et de curatori-
bus similiter idem dici potest, vnde & si cura-
tor furiosi aut prodigi pactus sit, ne à furioso aut
prōdigo peteretur, longe vtile erit curatoris re-
cipi pactiones: sed non econtra,^b eadem ratione
fortē, qua de filijsfamilias, seruis, & tutoribus in
præcedentibus dictum est. Et si quidem tutores
& curatores exigentes pupillis & adultis debi-
tum, non etiam remittentes, præstant obligatio-
nis liberationem, efficere nimirum debent, mi-
norem quantitatem paciscentes, adultæ ætatis,
tale suffragium ne noceat.^c De magistris autem
societatum quādo communem nēgotiationem
cum consocijs exercent ij, ac cōsensum obtinent
ad hæc, sic & horum pactum pariter prodesse &
obesse cōstat.^d Intēr socios verò ipsos, cum quæ-
reretur si vnus ex argentarijs socijs cum debito-
re pactus esset, an etiam alteri noceat exceptio?
Nerat. Atilicinus & Proculus responderunt, nec
si in rem pactus sit, alteri nocere: tantum enim
constitutum est, vt solidum alter petere possit:
idemq; & Labeo ait. Nam nec nouare aliū posse,
quamuis

quamuis ei recte solvatur. ^a Quandoquidem sic distincta, ad cuiusq; proprium sint horum munia, vt prodesse adinuicem magis quàm obesse honestum visum fuerit. Procuratores verò cum in ea sint vel muneris vel exercitij specie, vt aliorum negotia tractent, eaq; mandato generali ad omnes alicuius res, vel ad omne peculiū, aut specifico ad vnam tantum, cuiusmodi ad actionem & eiusmodi, ita & pro differentijs sibi commissæ vel exhibitæ alioqui curæ, fiet, vt horum pacta dominis rerum mandantibus, pro quibus conuentū est, prosint vel noceant. Si igitur procurator meus paciscatur, exceptio doli mali mihi proderit, vt Trebatio videtur, qui putat, sicut pactum procuratoris mihi nocet, ita & prodesse, quia & solui ei potest. Nam & nocere constat, siue ei mandatū sit, vt pacisceretur, siue omnium rerum alicuius, procurator fuerit, vt & Puteolanus libro primo assessorum scribit, cui placuit eum rem etiam in iudiciū deducere. ^b Velut pariter & si in rem suam datus sit procurator, quia loco domini habetur, & ideo seruandū erit pactum conuentum. Quod si tantum ad actionem procurator factus sit, conuentio facta, domino non nocet, quia nec solui ei possit. ^c Relationes alia per factorum seu operum vicissitudines in communi hominum vel negotiationis tracta-

a Pau. lib. 3. ad edictū, in l. si vnus. §. j. ff. co.

b Vlpia. lib. 4. ad edictū, in l. rescriptum. ff. co. cum l. seq.

c Paul. lib. 4. ad edictū in l. sed si tantum. ff. cod.

num. 129

tu in

tu, introductæ sunt, cuiusmodi quæ in specie contractuum inter emptorem & venditorem, debitorem ac creditorem, reum & fideiussorem hæredem & bonorum possessorem, ac ceteros eiusmodi similes, variè interuenire possunt: in quibus pariter vt de præcedentibus inquiri potest, num si paciscatur eorum alter, cōuentio alij qui in eadē correlatione est, profit vel noceat? prout in illis muneribus, negotiationes vicissim referunt sese. In contractu igitur emptionis & venditionis, quatenus relatio & vicissitudo nulla in personis est, vtpote ad potētiam vel statum, sed occasione ipsius cōtractus duntaxat, & quia emptor, quia venditor, non quia pater filius, Ioannes aut Petrus. Ideoq; & si pactum conuentum cum venditore factum, in rem constituatur venditam, secundum plurium sententiam. & emptori prodest, & hoc iure nos vti Pomponius scribit, Quamquam & secundum Sabini sententiam, etiam si in personam conceptum est, & in emptore validum hoc esse existimat: quod verum putauerim, si occasione eius rei quæ in emptorem translata est, pactum sit factum, quando si propter aliam, non vsq; quaq; locum habere existimarem. Idemq; volunt, & si per donationem successio facta sit. ^a Sic tamē vt dictum est, de persona, si propter rem vel in re quæ venit pactum

^a Pau. lib. 3 ad
edict. in l. si ti-
bi decem. ff. de
pact.

pactum sit conceptum, vt ea ratione sola profic,
 qua rationes suas adinuicem communes habent.
 & qua emptor succedit in re vel facto, in quibus
 ipsum pactum est conceptum si verò inter em-
 ptorem & venditorem conueniat alioqui variè
 de quibusuis, illud nimirum seruare inter ipsos
 conueniet, quod secundū naturam pacti, æquum
 ac rationabile fuerit. Vnde & si emptor prædij,
 viginti caueat se suo venditori soluturum, ac sti-
 pulanti spondeat. Postea verò venditor ca-
 ueat, sibi conuenisse, vt contentus esset xij. mō-
 do ea intra præfinita tempora acciperet. Idemq;
 emptor debitor ad eorum solutionem conuen-
 tus pactus etiam est, si ea soluta intra præfinitum
 tempus non essent, vt ex prima sua cautio-
 ne ab eo petitio esset. cūm quæreretur, an cūm
 posteriori pacto satisfactum non sit, omne debi-
 tum ex prima cautione peti possit? Responsum
 est, secundum ea quæ proponerentur posse.
 Quamquam hæc locum habeant, vbi singuli em-
 ptor videlicet & venditor paciscuntur ex aduer-
 so pro se, non autem propter id, vt pactum alte-
 rius referatur ad alterū: prout fit illis omnibus
 casibus, quibus velut vicissitudine quadam com-
 munionis, negotia & tractatus alterius in alte-
 rum se referunt, occasione bonorū communium
 vel muneris quod quis obit, velut in præceden-
 tibus

142. lib. 1. Ge.
 di. 1. 1. 1. 1.
 di. 1. 1. 1. 1.
 di. 1. 1. 1. 1.

a Sæuola lib.
 1. digesto. in l.
 emptor præ-
 dij. ibidem,

tibus dictum est. Quod si referant nomine aliqui vel appellatione, causæ attamen singulorum distinctæ sint, sic ut præter eam relationem, nihil in communi habeant, ad quod vicissitudo seu conuentio ipsa se referat, in personam vel rem seu factum alterius, tunc nec pacta ipsa nec conuentiones communes esse dicere, consentaneum est, sed diuisa magis, prout res & munia ab inuicem distincta sunt, velut in debitore & creditore, in eo quod studet quisque proprijs magis. unde fit propterea ut debitorum pactionibus, creditorum petitio, nec tolli nec mutari possit.^a Quemadmodum nec pactum successorum debitoris, ex lege xij. tabularum, ad æs alienum hæreditarium proportionibus quæsitum singulis cohæredibus, ipsoque iure diuisum: insolidum vnum obligare creditori nequaquam potest. quod & in succedentibus iure honorario, locum etiam habet: quanquam de chirographis siue instrumentis comunibus exhibendis cohæredem (vel non perfectis etiam in diuisione placitis) conuenire, quanti sua intererit, possit^b habeant quando ut suam rationem singula, expediens esse videatur, adeo ut in præcedentibus dictum est, prodesse suis pactionibus alijs per huiusmodi communicationes licere, obesse autem nequaquam: utpote cum sic occasio sumi posset ad iniurias & damna

^a Diocl. & Maxim. aa. Euhemerio. in l. debitorum. C. de pact.

^b Ibidem aa. cc. Cornelie. in l. pacto successorum. C. cod.

damna magis ac incommoda varia,quàm vt suo munere alij alijs præsidio essent, prout & ad hoc inducta esse debent. quare nec si venditor nec procurator seu cæteri de quibus egimus ita conuenirent, vt de debitore dicimus, nec in hoc ferendi essent, ne quis ita in genere de illis dictum esse existimet, vt indifferenter ad omnia pacta trahi putent: quin magis censeamus vbique & conuentiones omnes ad æquitatē & iuris rationem æstimandas esse. In reis verò & fideiussoribus (vt prosequamur reliqua) ratio alia & aliud ius esse potest,quàm in debitore & creditore dictum fuerit, quandoquidem notum est fideiussoris munus ad hoc in usu esse, vt pro debitoribus vel pro reis interueniant, qui quidem cum illorum vices in obligationibus subeāt, ita vt per eosdem liberentur consentaneum visum est: ex quo fit propterea, vt debitoris conuentio fideiussoribus proficiat,quādocunq; in rem pactum est conceptum. Si verò in personam, vtpote si sic est actum, vt duntaxat à reo non petatur, à fideiussore autem petatur, tunc enim fideiussor exceptione non vtetur.^a E contra verò fideiussoris conuentio, reo nihil proderit, quia diuersa ratio in hoc est, vtpote cum nihil eius intersit à debitore pecuniam non peti, imò nec confideiussoribus proderit. neq; enim quoquo modo cuiusque

E interest,

a Vlpia. lib. 53.
ad edictū, in l.
nisi hoc. ff. de
pact.

interest, cum alio conuentio facta, alij prodest,
 sed tum demum, cum per eum cui exceptio da-
 tur, principaliter ei qui pactus est proficiat: sicut
 in reo promittendi, & in his qui pro eo obligati
 sunt. ^a Quod si fideiussor in rem suam spon-
 derit, hoc casu fideiussor pro reo accipiendus est,
 & pactum cum eo factum, cum reo factum esse
 videtur. Idem & in duobus reis promittendi, &
 duobus argentarijs socijs obseruatur. Quamuis
 tamen fideiussoris pactum reo non profit, ple-
 runq; tamen doli exceptionem reo profuturam
 Iulianus scribit, videlicet si hoc actum est, ne à
 reo quoq; petatur. Idem & in confideiussoribus
 iuris est. ^b Quatenus autem ad commodum pa-
 ctionum, quæ in communi referuntur ad vtrūq;
 reum videlicet & fideiussorē, siquidem cum reo
 ad certum tēpus pactio facta sit, vltra illud tem-
 pus, neq; reo neque fideiussori proderit, vbi ad
 tempus ipsum limitatio est apposita. Quod si si-
 ne persona sua reus pepigerit, ne à fideiussore
 petatur, nihil id prodesse fideiussori quidam pu-
 tant: quanquam id rei intersit. quod ea demum
 ei debeat competere exceptio, quæ & reo. Pau-
 lo tamē probatur, prodesse fideiussori exceptio-
 nem, nec tam illi per liberam personam acquiri,
 quàm ipsi qui pactus sit consuli videtur. quo iu-
 re nos vti dicit. ^c Ad illud verò quod dictum est,
 si cum

a Pau. lib. 3. ad
 edictū, in l. fi-
 deiussoris. ibi.
 Idem ibidem.
 lib. 3. ad Plau.

b Vlpia. lib. 4.
 ad edictū, in l.
 videlicet. ff. c.

c Pau. lib. 3. ad
 edictū, in l. fi-
 deius. §. si cum
 reo. ibidem.

si cum reo pactum sit, vt non petatur, fideiussori quoq; competere exceptionem, propter rei personam dictum esse placuit, ne mandati iudicio conueniatur. Igitur si mādati actio nulla sit (forte si donandi animo fideiussert) dicendum est non prodesse exceptionem fideiussori. ^a quasi propter donādi animum, ex fideiussore effectus ipse sit reus, vt in præcedentibus est visum, ac principalis debitor per consequens, à quo nimirum debitum exigere conueniat. Quantum autem ad creditores vel debitores in genere, vtpote ad illos qui eiusdem pecuniæ exactionem habent in solidum, vel qui eiusdem pecuniæ debitores sunt, si quærat quatenus alij pro sit vel noceat exceptio. Regula est, quòd in rem pacta omnibus prosint, quorum obligationem dissolutam esse, eius qui paciscebatur interfuit. ^b quandoquidem in talibus solutio & dissolutio omnis seu liberatio, ex conuentione in rem concepta pendeat, non aliunde. Cùm tamen ante omnia animaduertendum est in his, ne conuentio in alia re facta, aut cum alia persona similiter, in alia re, alijue personæ noceat. ^c absurdum siquidem id esset & elusorium, ab alijs in alios, cōuentionum commoda & incommoda, tali modo trahere. Vnde & si probatum fuerit, creditores aliquos ex parte debiti totius, debitorem admisisse, alterum

a Pau. lib. 3. ad Plancium. in l. quod dictum. ff. cod.

b Pau. lib. 3. ad edictū, in l. & heredi. §. si. ff. de pact.

c Idem lib. 3. ad edictū. in l. si vnus. §. ante omnia. ibidem.

rum pro sua persona vel portione soluentem, aditus Rector provinciae pro sua grauitate prouidebit, ne alter debitor pro altero exigatur.^a Et obtinent quidem disposita in praecedentibus, vt pactum cum altero factum, profit vel noceat alijs, vel econtra vt non profit nec noceat interdum, vbi singuli pro singulis conuenerint. Quod si multi sint velut ad vnam negotiationem creditores, tutores, socij & eiusmodi, in his rescriptum diui Marci sic loquitur, quasi omnes creditores debeant conuenire. Quid ergo si quidam eorum absentes sint, num exemplum praesentium absentes sequi debeant? Sed & an priuilegiarij absentibus, huiusmodi pactio noceat, eleganter tractatur (si modo valet pactio & contra absentes) & repertum est ante formam à diuo Marco datam, diuum Pium rescripsisse, fiscum quoque in his casibus, in quibus hypothecas non habeat, & cæteros priuilegiarios exemplum creditorum praesentium sequi oportere: & hæc omnia in his creditoribus qui hypothecas non habent, conseruanda esse.^b Si verò & obfutura sit conuentio vel damnosa, vtpote si de remittenda parte debiti cum filiofamiliâs, cum pupillo vel alio agatur, & propterea dissentiant inter se qui pacisci debent creditores, hodie ita demum huiusmodi pactio creditoribus oberit, si conuenerint

^a Diocl. & Maximia. Iulio & Aemilio. in l. si creditores, C. de pact.

^b Vlpia. lib. 4. ad edict. in l. rescriptum. §. j. ff. eod.

rint in vnum, & communi consensu declaraue-
 rint, quota parte debiti contenti sint: si verò dis-
 sentiant, tum prætoris partes necessariæ erunt,
 qui decreto suo sequetur maioris partis volun-
 tatem. ^a Et maiorem esse partem pro modo de-
 biti, non pro numero personarum placuit. Quòd
 si æquales sint in cumulo debiti, tunc plurium
 creditorum numerus præferendus est. In nume-
 ro autem pari creditorum, auctoritatem eius se-
 quetur prætor, qui dignitate inter eos præcellit.
 Si autem omnia vndiq; in vnam æqualitatem
 concurrant, humanior est sententia à prætore
 eligenda. Hoc enim ex diui Marci rescripto col-
 ligi potest. ^b Ita tamen si de consequenda parte
 bonorum à debitoribus per creditores agatur,
 idq; pacti creditores sint (licet ab extraneo) ra-
 tio prius habeatur necessariarum personarum, si
 idoneæ partem bonorum consequi & debitum
 præstare sint, prout Imperator Antoninus Aui-
 dio Cassio rescripsit. ^a Quatenus autem ad pa-
 ctiones seu conuentiones reliquas, quas singuli
 pro se obeunt, ac suis tractationibus dum cōtra-
 hunt, interponunt, si quidem honestæ & iustæ
 sint, nec repugnent legum decretis, prout etiam
 de talibus in præcedentibus egimus, nihil impe-
 dimento erit, quominus liberè liceat eisdem, ad
 sua commoda prospicere. Vnde fit vt si quis cre-

^a Marcel. libr.
 18. digest. in l.
 & suum hære-
 dem. in fi. ibi.

^b Papi. libr. 10.
 responso. in l.
 maiorē. ff. de
 pact.

^c Papirius Iu-
 stus libr. 8. con-
 stitutionū. in l.
 Imperator. ff.
 eod.

diderit pecuniam, & pactus sit, vt quatenus facere possit debitor, eatenus agat. tale pactum validum erit. Neq; enim improbandum est, si quis hætenus desideret conueniri, quatenus facultates eius patiuntur. ^a similiter & si pactum inter hæredem & legatarium fiat, ne ab hærede satis accipiatur (& cum in semestribus relata esset constitutio diui Marci, seruari in hoc quoq; defuncti voluntatem) validum esse constat. nec à legatario remissa hæredi satisfactio per pactiorem, ex poenitentia reuocari debet. Cùm liceat sui iuris persecutionem, aut spem futuræ perceptionis deteriorem constituere. ^b Velut pariter & si filij testamēto hæredes scripti, rogati essent, vt qui primus rebus humanis eximeretur, alteri portionem hæreditatis restitueret, si quidē præcaria substitutio prædicta, fratrum consensu seu conuentione remittatur, fideicommissi persecutio cessabit. ^c Exemplo prædictorum quibus & per pactū licuit pro arbitrio, de suo iure aliquid diminuere, seu ab eodem recedere in totum. velut & suam cōditionem meliorem facere omnibus per hæc permissum est. Verum & cum in præcedentibus dictum sit ex edicto prætoris, pacta & conuentiones ad hoc constitutas, vt vicissim etiam prout conuenit, ac iustum & rationabile est, inter homines, pro fide. mutua obseruentur.

^a Vlpia. lib. 3.
ad Sabi. in l. si
quis credide-
rit. ibid.

^b Tripho. lib.
2. disputa. in l.
pactum inter.
ff. eod.

^c Diocl. & Ma-
ximi. aa. Dia-
phanto. in l. cū
proponas. la j.
C. de pact.

uentur. Habeantq; velut in religione præcipuam hanc aliqui, multi verò & bona hominum pars, his nisi coacta pareat, vbi in præiudicium vel damnum aliquod cessura sunt, propter quod nimirum, cum ad rectam huius partis dispositionem intendere & in id æquum fuerit, ne exrupta vel inobseruata fide, aliter quàm in lege pacti dictum est, subinde multi iniuriam & damna patiantur, his qui pactis parent obmissis, velut pollicitam fidem & legem conuentionis custodientes, nulla coercionem opus habeant, post præmissas pactorum qualitates varias, qualiter cogendi sint, qui in eo quod semel conuenit stare recusant, opportunum iam ac conueniens nostro ordini fuerit subiungere. Manifestum est igitur, in contractibus bonæ fidei seu inter contrahendum, conuentiones vt plurimum fieri (vt etiam dicimus in præcedentibus,) & extra contractus prædictos aliquas, & licet occasione cōtractuum prædictorum, actiones quædā introductæ sunt, & suæ singulis, velut empti actio, venditi, locati conducti & eiusmodi, ac propriæ & communes alijs. Sunt etiam & propter pactum ipsum conuentum in eisdem, aliæ, vt aliquid videlicet aliquo modo, & vt cōuenit fiat ac obseruetur: quæ quidē actio, singularis & propria in vsu est, propter solum pactum, vel ad ipsam cōuentionem

stabiliendam ac retinendam in obseruatione sua, quanquam differenter & gradu vario id, pro conuentionis modo ac forma pacti varia : quandoquidem quatenus ad firmitatem seu stabilimentum eorundem attinet, vel vim quomodouis, aliqua sic fiant, vt ultra simplicem illam & puram conceptionem verborum, quæ ad pactum informandum in usu est, (pollicitationem vel obseruationem aliquam in se pro data fide continens) adduntur & alia ad arctius velut vinculum, quæ vim stipulationis obtinent, ita vt & pactum & obligatio insit ad pacti obseruationem pro vno & eodẽ effectu simul iuncta. Cuiusmodi est, quod ferè in nouissima parte pactorum ita solet inferi, rogauit Titius, spondit Mæuius, quæ quidem verba, non tantum pactiõis loco accipiuntur, sed etiam stipulationis, ideoq; & ex stipulatu nascitur actio in talibus, nisi specialiter contrarium probetur, quod non animo stipulantium hoc factum est, sed paciscentium duntaxat. ^a Petens igitur ex stipulatione, quæ placiti seruandi causa secuta est, seu antecessit pactum, seu post pactum statim interposita sit, recte secundum se ferri sententiã postulabit ^b. Quod si & vltius adhuc proponatur, pacto pœnam aduersarium promississe, si placito non stetit, & ad id stipulationem subiectam esse. Ex stipul

^a Vlpia. lib. 4. ad edictũ, in l. iuriscgentiũ. §. quod ferè. ff. c. b Diocl. & Maxim. Aurelio in l. petens. C. de pact.

stipulatur agens, vel id quod in conuentionem
 deuenerat, vt fiat consequetur: vel poenam sti-
 pulatione comprehensam more iudiciorum exi-
 get. alioqui enim bona aduersarij sui in se trans-
 ferri citra solennem ordinem: frustra quis de-
 precaretur. ^a Ideoq; & cum pacto subiecta esset
 poenae stipulatio, quæreretur autem, vtrum pa-
 cti exceptio locū haberet, an ex stipulatu actio?
 Sabinus putauit (quod est verius) vtraq; via vti
 posse, prout elegerit qui stipulatus est. Si tamen
 ex causa pacti exceptione vtatur, æquum esse
 accepto eum stipulationem ferre. ^b propter poe-
 nam quæ in stipulationem deducta erat, si pacto
 non staretur. idq; in reo, intelligendum est, stipu-
 lante poenam, si ex pacto ad debitum ageretur,
 qui si stipulatione ad exceptionem pacti vtatur,
 desinet stipulatio ad poenam ipsam, vt dictum
 est. Ita tamen vt in prædictis iusta obligationis
 ratio intelligatur, non excedens vltra summam
 veri debiti, vnde & si quis alicui decem milia det,
 & paciscatur vt sibi quindecim vel viginti mi-
 lia debeantur, non nascetur obligatio vltra de-
 cem milia: quandoquidem re non potest obli-
 gatio contrahi, nisi quatenus datum est. ^c absur-
 dum enim & abusuuum reputari posset alioqui,
 si propter stipulationem vel pactum, summa de-
 biti ascenderet, ad duplum eius quod datum es-

^a Gordian. 2.
 Cælio militi.
 in l. si pacto.
 C.cod.

^b Vlpia. lib. 4.
 ad edictū, in l.
 rescriptum. 6.
 si pacto. ff.co.

^c Pau. lib. 3. ad
 edict. in l. si ti-
 bi decem. 9. j.
 ff.cod.

E s ser.

set, ac obligatio & actio daretur talium. Cate-
rum redeuntēs ad actiones rursus prout dictum
est pactis quibusdam, vltra conuentionis fidem
ad maius robur stipulationes accedere interdū,
cum poena & sine poena, in quibus vtraque via
agi potest, ex pacto videlicet & ex stipulatio-
ne, ita existimandum est, pacta alia simpliciora
posse fieri, in quibus nulla stipulatio interue-
niat, præbenseisdem aliquod adiumentum: ob-
missis igitur pactis inualidis, ac omnino inutili-
bus, quæ cum nullius sint momenti, nullā etiam
persecutionem habent, in iudicio vel extra, ve-
lut nec illa pariter, quibus pro lege pacti seu iu-
xta pollicita satisfactum re ipsa est: de validis il-
lis hoc loco intelligimus, de quibus inter contra-
hendum conuenit, non tamen iuxta conuentionem
satisfactum est pollicitis, quæ non propter
id duntaxat quod pacta sunt, & conuentionem
seu observationem aliquam in se continent sim-
plicem, actionem de se producant, sed propter
id magis, quia interposita contractibus vel factis
varijs, illam de sua natura conformitatem exhibent
facto seu contractui cui adiuncta sunt, ut
illud vno vel altero modo variant, sic aut sic ef-
ficiendum constituent, ex quo etiam pro suo mu-
nere obligationē ad pollicitam observationem
nanciscuntur: nec citra rationem id, siquidem
nihil

nihil impediat vel vrgeat etiam contrahentes prædictos, simpliciter & purè transferre res suo tempore, citra conuentionem aliquam, & conuenire pariter, vt sic vel sic tradantur, vel vt ex tali traditione, tale quid fiat: in quibus si contractus ipsi rati & validi pro dispositione legis manent, quare non etiam iustum fuerat, vt pacta in eisdem inita rata ac valida iudicaretur: prout econtra. Ita vt recusante altero stare his quæ conuenta essent, posset alter aduersus eum, actionem ad compellendum intentare. Vbi maximè fieri & non fieri inter contrahendum, pro voluntate & arbitrio contrahentium pacta possunt, quandoquidem omnino necessarium nõ est, per omnes contractus pacisci, sed vbi tantum res & occasio sese exhibent ad id commoda. Dictum est itaq; in præcedentibus conuentiones quæ actiones pariunt, in suo nomine nõ stare, sed transire in proprium nomen contractus, velut in emptionem venditionem, locationem, conductionem, societatem, commodatum, depositum, & cæteros similes contractus: quasi pacta quæ in prædictis fiunt, vigorem ac potentiam talem assument ab illis, vt sufficiant ad actionem producendam, interuentu negotij vel tractationis, de quibus in illis agitur. Quòd & si in alium contractum res non transeat, subsit tamè causa, eleganter Aristo Celso

Celso respondit inesse obligationem ad pactum. ut puta si dedi tibi rem, ut mihi aliam des, dedi ut aliquid facias, hoc enim *συνάλλαγμα* esse & hinc nasci civilem actionem. Ideoq; putauit Vlpianus rectè Iulianum à Martiano reprehensum in hoc, dedi tibi Stichum ut Pamphilum manumittas, manumifisti, cuius est Stichus, Iulianus scribit in factum actionem dandam à prætore. Ille ait civilem incertam actionem præscriptis verbis sufficere. Esse enim contractum, quod Aristoteli *synallagma*, id est permutationem dicit, unde hæc nascitur actio. ² Obseruandum tamen in pactis prædictis illud est, ut cum soleat dici pacta conuenta inesse bonæ fidei iudicijs, quod illud sic accipiat, ut si quidem ex continenti pacta subsecuta sunt, quanquam sint nuda pacta etiam ex parte actoris insint: si verò ex interuallo non inerunt, nec valebunt, si agatur: ne ex pacto actio nascatur. Ideoq; responsum est à Papiniano, si post emptionem ex interuallo, aliquid extra naturam contractus conueniat, ob hanc causam agi ex empto non posse propter illam regulam, ne ex pacto actio nascatur, quod & in omnibus bonæ fidei iudicijs erit dicendum: quanquam ex parte rei locum habebit pactum. cum soleant ea pacta quæ postea interponuntur exceptiones parere prout dicemus in sequentibus
latius.

Vlpia. lib. 4.
d. edictum, in l.
arist. gentium.
j.

latius. Similiter & si post diuortium conueniat ne tēpore statuto dilationis in datione dotis, dos reddatur, sed statim hoc non valebit pariter. ne ex pacto solo actio nascatur. Idem Marcellus scribit, etiam si in tutelæ actione conueniat, vt maiores quā statuta sunt per primam conuentionem vsuræ, præstentur, locum non habebit tale pactum. ne ex pacto ipso actio nascatur vt est dictum. Cū maximè pacta illa sint quæ legem cōtractui dant, quæ in ingressu contractus sunt facta, non autem quæ post finitos illos, vel quæ ex interuallo fiunt ^a & prædicta intelligere oportet in pactis illis quæ fiunt post contractus vel ex interuallo, quæ sunt extra naturam contractus super quo paciscitur, prout in exemplis prædictis: quod si ex eodem sint contractu, in bonæ fidei iudicijs, conuentiones postea factæ adeò insunt, vt constet in emptione cæterisq; bonæ fidei iudicijs, re nondum secuta, posse abiri ab emptione in totum, & sic mutari pariter pactio- ne pro parte negotio nondum finito vel re nondum tradita interueniente consensu vtriusque contrahentis. ^b Experiri porrò ipsum formis vel agendi in iudicio modis supradictis, cum possit esse multiplex ac varium etiam occasione personarum agentium in numero videlicet, & alias plures esse numero pro ratione negotiorum varia,

a Vlpia. lib. 4.
ad edictū, in l.
iurifigentiū. §.
quinimo. ff. c.

b Idem ibidē.
§. adeo.

ria, qui ad vnam actionem cōcurrant, interdum autem contingat, vnicum ex multis factis, habere plures actiones aduersus vnum vel duos socios & cætera. propter quæ & questio esse posset, qualiter agendū esset modis prædictis. Quòd verò singuli creditores aduersus singulos debitores agant, dubitationem non habet, cum ordinarium hoc sit, ac res, & negotium ipsum indicent sese, ita efficiendum, quod alio modo effici non potest. Plures igitur vbi erunt, qui vnam & eandem habeant actionem, iidem vnus loco habebuntur, vtpote, si plures sint rei stipulandi, vel plures argentarij, quorum nomina simul facta sunt, vnus loco numerabuntur, quia vnum debitum est. Similiter & cum tutores (vnus pupilli creditoris) plures conueniunt, vnus loco numerantur, quia vnus pupilli nomine cōueniunt. Econtra pariter, & si vnus tutor plurium pupillorum nomine, vnum debitum præcedentium, conuenerit, placuit vnus loco esse. quandoquidem difficile erat, vt vnus homo, duorum vicem sustineret. Quòd si vice versa, pluralitas non ad personas creditorum vel debitorum referatur, sed ad actiones ipsas, nec is etiā qui plures actiones habet, aduersus eum qui vnam, plurium personarum loco accipitur: vnde & cumulum debiti ad plures summas referemus: vtpote, si vni
fortè

forte multæ summæ centum aureorum debeantur, alij verò vna summa aureorū quinquagintā, spectabimus in hūc casum summās plures, quantum illæ excedunt in vnam summam coadunatæ, cui summæ applicari possunt etiam vsuræ. Ita quicquid est in vnum cumulum collectum, vnam summam, vnum debitum, & vnam actionem ex multis efficiet. ^a Multi verò duo tres vel quatuor creditores socij, si post diuisionem bonorum & æris alieni, singuli à singulis hæredibus, non interpositis delegationibus in solidum vt conuenerat, vsuras acceptauerunt: si non singuli pro fide rei gestæ, totum debitum singulis offerant, actiones quas aduersus omnes pro partibus habent, impediendæ non erunt. ^b Ita vt suum ius ratum ac validum vniciq; maneat, & sua debita portio singulis. Competentibus ergo vt dictum est, propter conuentiones & pacta actionibus prædictis, liberum esse potest quibusuis, aduersus illos qui se fallunt, fidem ruptam vindicare, ita vt actione sua per singulas contractuum species, pollicitis per pacta stare cogant. vsq; dum dictæ in cōuentione legi, ad integrum paritum & obtemperatum fuerit. Et quanquam modi quidam introducti sint, ad finiendas seu tollendas actiones prædictas, cuiusmodi per pactum tollitur ipso iure actio iniuriarum, item furti

a Paul. lib. 62.
ad edictū, in l.
si plures. ff. de
pact.

b Papin. lib. 5.
respon. in l. ta-
le pactum. §.
post diuisionem.
ff. eod.

furti & tollatur pariter per exceptionem actio, quotiescunq; pactum factum est ne petatur, per diuisionem bonorum communium, per solutionem, acceptilationem & eiusmodi, quibus modis actionem habēs vel ius ad illam tunc desinit posse agere, quasi finitum in illis sit negotium omne, si tamen non integrè finita sint, sed imperfectè magis, aut per fraudem & dolum, non eo minus competet actori actio, ad proprii iuris ex hoc capite persecutionem. cuiusmodi si proponatur, tres fratres Titium & Mæuium & Seiam, communem hæreditatem inter se diuisisse, instrumentis etiam interpositis, quibus diuisisse maternam hæreditatē dixerunt, nihilq; sibi commune remāsisse cauerunt. Cum verò postea duo de fratribus videlicet Mæuius & Seia (qui absentes erāt tēpore mortis matris suæ) cognouerūt pecuniam aureā à fratre suo esse subtractam, cum eius nulla mentio in instrumento diuisionis contineretur, quærereturq; propterea, an post pactum diuisionis de subtracta pecunia, fratribus aduersus fratrem competeret actio? Modestinus respondit competere. Quòd si agentibus his ad portionem eius quod surreptum à Titio dicebatur, generalis pacti conuenti exceptio (ad ea quæ per fraudem à Titio commissam ignorantes transfegerunt) obijciatur, de dolo vtiliter replicari

plicari poterunt.^a Idemq; & alio exemplo pate-
 fit ac demonstratur, quod ita habet. Lucius Ti-
 tius, Caium Seium mensularium, siue numula-
 rium, cum quo rationem implicitam habebat,
 propter accepta & data debitorē sibi constituit,
 & ab eo epistolam accepit in hæc verba. Ex ra-
 tione mensæ quam mecū habuisti, vsq; in hunc
 diē, ex contractibus plurimis, remanserunt apud
 me ad mensam meam ccclxxxvj. & vsuræ quæ
 competierunt summam aureorum, quam apud
 me tacitam habes, refundam tibi. Si quod instru-
 mentum à te emissum (id est scriptum) cuius-
 cunque summæ, ex quacunq; causa apud me re-
 mansit, vanum & pro cancellato habebitur: quæ-
 situm est, cum Lucius Titius ante hoc chirogra-
 phum Seio mensulario mandauerat, vt patrono
 eius trecenta redderet, an propter illa verba epi-
 stolæ, quibus omnes cautiones ex quocunq; con-
 tractu vanæ & pro cancellatis vt haberētur, cau-
 tum est, neq; ipse neq; filius eius eo nomine con-
 ueniri possit? Respondit Scæuola si tantum ra-
 tio accepti atq; expensi esset computata, cæteras
 obligationes manere in sua causa.^b Neq; illum
 pariter cui ius competit ad actionem, ad eam in-
 tentandam impedit, quod is contra quem age-
 re debet aduersus se, per conuentionem experiri
 non possit: velut si conuenerit fortè ne domi-

a Modesti. lib.
 5. respon. in l.
 tres fratres. ff.
 de pact.

b Scæuo. libr.
 1. digesto. in l.
 emptor. §. Lu-
 cius. ff. cod.

nus, à colono quid petat; & iusta causa conuen-
 tionis fuerit. nihilominus tamen colonus à do-
 mino petere poterit. ^a Et sicut conuentionibus
 prædictis quæ deuiant à recta liberationis via
 vel forma, actio ab eo qui ius persequendi habet,
 non perimitur; quo minus contra suum expro-
 missorem de integro agere possit, ita nec ubi per
 errorem fient pacta, aut erronea alioqui erit de-
 biti liberatio, inefficax & nullius momenti, ad
 debiti liberationem succedet, nec actionem per-
 imet: vnde & si cum aliquis debere se debitori
 suo, ex causa legati existimaret, pactusq; sit pro-
 pterea, ne ab eo sibi debitum peteret, quasi com-
 pensaturus debitum pro debito, ex hoc pacto neq;
 iure ipso liberabitur debitor, neque creditorem
 petentem summouebit exceptione conuentionis,
 vt Celsus lib. xx. scribit. Idem eodem loco scri-
 bit, si debitorem tuum iussisti soluere Titio, cui
 legatum falsò debere existimabas, & debitor pa-
 ctus sit cum Titio suo debitore constituto, neq;
 tibi aduersus tuum debitorem, neq; ipsi aduer-
 sus suum, actionem peremptam esse. ^b Et de pa-
 ctis producentibus propter adiunctum præsidium,
 (stipulationis videlicet vel quia cōtractibus in-
 hærent, vel causam aliquam ad obligationem
 continent) actionem, satis hætenus in præceden-
 tibus dictum sit, cum tamen & vltra prædicta,
 sint

a Iulia. li. 6. ad
 Minutium. in
 l. si cōuenerit.
 ibidem.

b Vlpia. li. 26.
 ad edict. in l. si
 cū te. ff. de pac.

sint & alia simpliciora pacta adhuc citra stipulationem, vel causam aliquam satis ad obligationem validam, seu sufficientem, facta vel inita extra omnem contractum, propter quæ non immerito, ex eo quod citra omnem mixtionem fiunt, nuda pacta appellata sunt: quasi dixeris, simplicem ac puram sponsonem, vel fidei dationem aut pollicitationem ad aliquid observandum; de cuius effectibus & vi, pro sua proportionem si inquirendum est, quo pateat etiam cuius efficaciam sit & hæc species, vel quid operetur, si quidem iustum non videbatur aut consentaneum, ita annullare sponsiones has simplices, seu verba etiam quæ puræ vel simplicis pollicitationis vim haberent (quæ etiam principium & viam exhibent ad cæteras solidiores) ut nullius omnino inter negotiantes futura essent momenti, nec illis tantum tribuere pariter, ut cæteris quæ stipulationes & causam habent, ad producendam actionem æquarentur: ad retinendum & exequendum proprium vigorem, his datum est, ut in venientes aduersus simplicem & nudam suam conventionem, proponeretur pacti conventi exceptio, pro observatione eius quod convenit, propter quod dictum est, cum nulla subest causa præter conventionem, hic constat non posse constitui obligationem. Igitur nuda pactio,

F 2 oblig

a Vlpia. lib. 4. obligationem nō parit, sed parit exceptionem^a
ad edictū, in l. velut si quis citra stipulationē, & extra omnem
iurisgentiū. §. formam cōtractus, ita suo debitori dicat, Si intra
sed cum nulla. illum diem, debiti partē mihi solueris, acceptum
ff. cod. tibi residuum feram, & te liberabo, cum debitor
 hic actionem ex tali conuentione non habeat, pa-
 cti tamen exceptionem eidem competere cōn-
 stat. **b** Ideoque traditionibus & vsucapionibus
respon. in l. si transferuntur dominia rerum, non autem nudis
infra. ff. cod. pactis, vel simplici conuentione. **c** Quemadmo-
c Diocl. & Ma dum & diuisionis placitum, quod nisi traditione
ximi. aa. Mar- vel stipulatione sumat effectum, ad actionem;
tiali. in l. tra- tanquam nudum pactum, nulli prodesse pōte-
ditionib. C. de rit. **d** Vnde & cūm propositum fuerit aliquando
pact. inter aliquos placuisse, vt fratrum suorum suc-
d Hermogeni. cessiones, æquis ex partibus diuiderent, & trans-
lib. 2. iuris epi- actionis causa, probare possē hos, hanc interces-
roma. in l. diui- sisse conuentionem. Responsum est, exceptione
sionis. ff. de pa- se tueri possē petentem si possidet: quod si ad-
ctis. uersarius eius teneat, ex tali placito, nullā actio-
 nem natam esse, si sibi stipulatione non prospe-
 xit. Aduersario attamen transactione vti con-
 cedi non debere, nisi ea quæ placita sunt, adim-
e Diocl. & Ma plere paratus sit. **e** Eiusdem cum nudis prædictis
xim. aa. Euse- potentia sunt, & pacta illa quæ in bonæ fidei
bio. in l. cum contractibus, post absolutum contractum, post-
proponas. la ij. ea interponuntur, quæ stipulatione & coheren-
C. de pact. tia

tia contractus destituta, cum præter verbalem
& eam simplicem sponſionem, nihil habeant;
nec causam etiam vllam ad obligationem, ad
actionem per consequens inefficacia vt illa sunt;
actionē producere, propter quod sola exceptio-
ne proprium vigorem retinebunt, ac tuebuntur
seſe. & de his parte præcedenti aliquot exemplis
actum est. Cum igitur ex pacto ipſo, pro illius
compositione vel qualitate videlicet, fiat, vt hæc
non vltra exceptionem procedant, exceptio ve-
rò actioni contraria, actionem impediatur magis,
quàm illam ad suum effectum inducat in totum
aut pro parte, iuxta conuentionis formam, ni-
mirum & si quæ pacta nulla sunt aut inualida,
illa etiam in suo gradu & qualitate nullitatis &
inualiditatis videlicet ad actionem ipsam reti-
neat, cuiusmodi si quæ turpiter, aut per dolum
inita fuerint, ideoq; & cum petitio eius quod so-
lutum est, dolum in se cõtineat, exceptione doli
se tuebitur qui soluit. Quare si creditori tuo par-
tem pecuniæ debitæ exsoluisti, de parte verò
non petenda inter te & ipsum conuenit, ob cau-
sas negotiaq; eius tuo patrocínio fideiq; defen-
sas, ea obligatione partim ciuili iure, partim ho-
norario liberatus eris. vtpote per solutionem, &
per pactum de non petendo. Et sic exceptio per-
petua pacti cõuenti vel doli, residui petitionem

repellit: cū & solutum etiam per ignorantiam
 repeti potuisset. ^a Idemq; tractari potest, & in
 cohæredē aliquo, qui occasione pacti, suis fratri-
 bus, maiorem sibi portionem per dolum vsus pa-
 ret, velut cū aliquis pater dotem promittens
 pactus esset, vt post mortem suam in matrimo-
 nio sine liberis defuncta filia, portio dotis apud
 hæredem suum, & filia prædictæ fratrem rema-
 neret: quòd si idem socer liberos alios postea su-
 sciperet, & hæredes testamento relinqueret, li-
 cet illo tempore, quo pater alios filios non ha-
 buit, in fratrem vnicum iudiciū supremum con-
 tulisse videatur, cū tamen inter contrahentes
 id actum sit, vt hæredibus consuleretur, cæteris
 exceptio doli proderit, aduersus hunc, si se prædi-
 cto pacto ad propriam vtilitatem iuuare procu-
 ret. ^b Quod cum plerunq; dici soleat, doli excep-
 tionem, subsidium esse pacti exceptionis, qui-
 dam denique qui pacti exceptione vti non pos-
 sunt, doli exceptione vti poterunt: vt Iulianus
 scribit, & alij pleriq; consentiunt: vt puta si pro-
 curator meus paciscatur, exceptio doli mali mi-
 hi proderit: vt Trebatius videtur, qui putat si-
 cuti pactum procuratoris mihi nocet, ita & pro-
 desse, quia & solui ei potest. ^c Et sicut si in rem
 pactus sit seruus, proderit domino & heredi eius,
 pacti conuenti exceptio, prout in præcedentibus
 visum

^a Antonius a.
 de maiore. in
 l. creditori. C.
 de pact.

^b Papi. li. 5. re-
 spon. in l. tale
 pactum. §. pa-
 ter qui. ff. cod.

^c Ulpia. lib. 4.
 ad edictū, in l.
 rescriptū. §. ple-
 runq; ibidem.

visum est. Ita & si in personam serui pactum sit conceptum, tunc domino, doli supererit exceptio. ^a Imò & in seruo doli exceptio non est respicienda. & licet Marcellus antea dubitauerit in similibus speciebus, tamen admittit, ut etiam si filius familiæ hæres institutus, pactus est cum creditoribus, & emancipatus adiit hæreditatem, & dicit doli cum uti exceptione posse, utpote si paciscendo forte circumuentus fuerit. Idem probat, & si filius uiuo patre cum creditoribus paternis pactus sit. Nam & huic doli exceptionem profuturam dicit. ^b Exceptionum item prædictarum species alia est, & posterior, quæ ad conuentionis legem competit, seu pro modo eius quod in pacitionem est introductum, ut si quid uidelicet inter contrahendum, per pactum sit exceptum, exceptione pacti conuienti, similiter ratum ac validum maneat: & si quid ultra vel aliter quam conuenit exigatur, vel petat alius ab alio, per exceptionem pacti tueatur ac protegat sese, qui eam habet. In venditionibus igitur & contractibus cæteris, certum est, quid alter ex contrahentibus, & quid veditor præstare debeat, quidq; ex contrario emptor, quod si in contrahendo, aliquid exceptum fuerit, id seruari debebit, ^c Ad illa uero quæ aliter quam conuenit peti possent, impedit exceptio, ne ultra dictam in pacto legem exigat.

a Pau. lib. 3. ad edictum, in l. & hæredi. §. quod si seruus. ff. de pact.

b Marcell. libro 18. digest. in l. & suum hæredem. §. ibidem.

c Paul. lib. 4. questio. 1. in emptionibus. ff. de pact.

debeat, aut possit, & alias occasione debiti vel summæ de qua inter contrahendum conuenit, vtpote si cum viginti quis deberet, & pepigerit ne decem petantur, efficiet per exceptionem creditori opponendam, vt tantum reliqua decem exigere creditor debeat. ^a Quod si & cum quis decem deberet, pepigerit ne à se viginti petantur, in decem debitori prodesse pacti conuenti, vel doli exceptionem placuit: ex eo fortè, quod in tali pacto, minor summa de decem insit in viginti maiori. Idemq; & in alternativæ debitis dici potest, velut si quis stipulatus decem aut Stichum, de decem pactus debitor, & si Stichum aut decem demum creditor petat, exceptio pacti conuenti in totum obstabit. Nam vt petitione, solutione, & acceptilatione vnius rei, tota obligatio soluitur, ita quoq; pacto conuento de vna re non petenda interposito, in alternativis, obligatione submoueri placuit. Si verò inter contrahentes esset actum, ne decem, sed Stichus creditori præstaretur, eo casu posse de Sticho efficaciter agi, nulla exceptione in contrarium opponenda. Idem est, & si de Sticho non petendo conuenerit. Quod si generaliter homo debeatur, & pactum fiat ne petatur Stichus, Stichum quidem petenti, pacti exceptio opponetur, alius autem homo si petatur recte agetur. ^b Sed demus pactum esse aliquem

^a Idem ibidè.
§. sed si stipulatus.

quē, ne hæreditatē peteret, singulas res vt hæ-
 res petens, ex eo quod pactum erit, pacti conuen-
 ti exceptio aptanda erit. Quemadmodum si con-
 uenerit ne fundus petatur, & vsumfructum de-
 mū exigat creditor. Aut ne nauis ædificiumue
 petatur, & dissolutis his, singulas res petat. Nisi
 specialiter aliud actum est. ^a Et velut in petitio-
 nibus prædictis rerum dictum est, vt si vltra vel
 aliter quàm conuenit petatur, ad illa exceptio
 vt cōpetat aduersus petitores tales, sic & ex per-
 sonis & factis alijs, intelligere consentaneum est,
 vtpote, si per conuentionem actum est, ne à per-
 sona tali videlicet Titio petatur, vbi contra con-
 uentionem petitio fiat, hac exceptione pacti re-
 pelli poterit. Cuiusmodi in exemplo hoc quod
 proponit Caius ^b in eo qui pecuniam à seruo sti-
 pulatus est, quam sibi Titius debebat. Querit
 enim si is stipulator à Titio demū petat, an exce-
 ptione pacti cōuenti, submoueri & possit & de-
 beat, propter id quia pactus videtur stipulando
 cum seruo ne à Titio petat? & respondet ex sen-
 tentia Iuliani, ita vel tunc submouendum, si sti-
 pulatori in dominum ipsius serui, actio de pecu-
 lio danda est, ex quo iustam causam interceden-
 di seruus habuit, quia fortè tantundem pecuniæ
 dominus serui, Titio debuit. Si verò quasi fide-
 iussor Titius interuenit, ex causa ne in peculium

a Ibidē. §. item
 si pactus.

b Lib. i. ad ed-
 ctum prouin.
 in l. in perso-
 na. §. qui pecu-
 niā. ff. de pact.

F s actio

aetio daretur, tunc non esse inhibendum creditorem, quominus à Titio petat. Similiter & nullo modo prohiberi creditorem debere, si fideiubens Titius cum seruum liberum esse credidisset. Quærit insuper & si sub conditione stipulatus fuerim à te, quod mihi Titius pure debebat, an deficiente conditione si à Titio petam, exceptione pacti conuentionis, & possim & debeam submoueri? & magis esse dicit, exceptionem non esse opponendam. quod sic intelligendum arbitror (cum ita propositum postremum hoc, subobscurum aliquantulum videatur) velut in easus positione, vt stipulatori vel creditori illi si mauis, Titius purè debeat, Titio verò, tertius ille (à quo creditor Titij stipulatur) sit debitor sub conditione, & cum Titius quod purè debet satisfacere non possit, creditor ab alio sub conditione stipulatur, defecta autem conditione, vt-pote inutili vel inualida seu inefficaci, cum sibi propterea nō satisfiat, reddit ad Titium purum debitorem, qui ob defectum alterius, exceptionem opponere non debet, ne creditor interim legitimo suo debito frustetur. Nisi tamen etiam aliud actum esset. videlicet vt creditor liberato Titio, debitorem conditionalem maluisset, quia tunc Titius exceptionem conuentionis opponens, audiretur, prout ratio & æquitas ipsa dicant

Etant liberari ab obligatione illos, qui per con-
 uentionem liberantur, & retineri etiam eos, qui
 velut in subsidiū retinentur: velut & huic non
 dissimile est illi, quæ actionem legati vel fidei-
 commissi, quam aduersus hæredes mariti quon-
 dam sui habuit, affectione heredum aliquorum,
 alijs remisisse actionem prædictam probatur, vt
 si quidem debitores alij (quibus non remissa est
 actio) exceptionem pacti cōtra eam instituant,
 ad actiones nocere illi minimè posse Diocletia-
 nus & Maximianus. aa. Dominæ responderūt a
 ita vt in summa, ad conuentionis legem, condi-
 tiones, & qualitates, aptare omnia conueniat: sic
 vt non vltra, nec ab alijs, nec aliter quàm conue-
 nit exigatur: exceptione alioqui sese valida op-
 ponente ad singula quo iuxta illius regulam fi-
 niantur & terminentur omnes intra suos limi-
 tes, nec tamen ita intelligendum propterea, vt
 statim post conuentionem initam exceptio illi
 cui interest competat, sed vbi pro conuentionis
 modo & forma, facti occasio seu effectus eādē
 proponi debere requirit: vnde & si quis cū
 fundum meum possideret, conuenisset mihi se-
 cum, vt eius possessionem Titio traderet, si qui-
 dem vendico mox eum fundū à possessore, non
 aliter me cōuentionis exceptione excludere de-
 bebit, quàm si aut iam ante tradidisset, aut si mea
 causa

a In l. si actio-
 nem legati. C
 de pact.

Procul. lib. 5.
 istola. in l. fi
 m fundum.
 eod.

causa id inter nos conuenisset, & per me non staret, quominus iam traderet.^a quibus quidē modis prædictis efficeretur pro conuentionis lege. vt possessore procurante adimplere quod conuenit, dominus prædij obstaculum & impedimentum faceret quominus cōuentis pareret: & his casibus exceptio possessori cōpeteret propter impedimenta prædicta. Si verò tradidisset Titio possessionem, iam amplius ab eo non vendicaret: quia paritū esset. vbi autem sua causa possessor distulisset tradere, tunc vendicationi citra exceptionem locus esset. & hæc de exceptionibus quæ inter paciscendum interueniunt seu interponi possunt alias, ac de pactis ipsis in genere (quandoquidem de pactis particularibus inter emptorem & venditorem, de pactis dotalibus & eiusmodi alibi agetur suo loco) sint satis, interim dum ad stipulationes huius tractationis affines, nostrum studiū & nostram speculationem conuertimus, quò sic suo ordine cuncta disposita, percipiantur & retineantur commodius ea spe tamē, vt non minus intelligibiles has prodituras putemus, quàm hætenus à quoquam in publicum editæ fuerint, bene vale lector & nos ama.

Iustus es Domine, & rectum iudicium tuum.

Errata, quæ opere hoc absoluto depræhen-
dimus, sic corrigito.

pagina	4	linea	vlti.	lege	legatione,
13		14		in verbo	refi lege rei.
27		24		lege	exigatur,
33		4		lege	transeunt.
39		4		pro adeo,	lege ideo.
44		5		lege	autem.
48		6		pro eas,	lege eos.
51		6		pro de,	lege & dominorũ.
64		1		lege	quod si se referant.
67		23		pro alij'ue,	lege alia'ue.

विषयसूची

प्रस्तावना	१
१. प्रस्तावना	१
२. प्रस्तावना	१
३. प्रस्तावना	१
४. प्रस्तावना	१
५. प्रस्तावना	१
६. प्रस्तावना	१
७. प्रस्तावना	१
८. प्रस्तावना	१
९. प्रस्तावना	१
१०. प्रस्तावना	१



पुस्तक संख्या